



漢書門類
 三十三號
 函一冊
 一冊架
 漢書門類
 三十三號
 函一冊
 一冊架
 漢書門類
 三十三號
 函一冊
 一冊架

庫文閣内
 漢書
 三十三號
 函一冊
 一冊架

漢書門類
 三十三號
 函一冊
 一冊架



綴じ部(喉部分)の文字等が開きが不鮮明な場所あり

大學東
校典藉
局之印

訂補明醫指掌卷之二

仁和雲洲臯甫中

編輯

長洲念山邵從臯校正

男 繩山邵達叅補

真中風

歌府中風邪顯六經面加五色表之形若還中藏多
便阻絕症臨之命必傾半身不遂喎斜口此是風
邪中在經有表汗之須續命六經加減認教真須
知在裏洩使秘實者尤當三化行原無表裏秦范

治大要清心靜養神

論經云風為百病之長也善行而數變或為寒中或為熱中或為寒熱或為偏枯或為癘風皆為風也其變莫測然八方之風邪中人則有中府中藏中經脈之分所以別其邪之淺深也中府者有表症面加五色脈浮弦而惡風寒拘急不仁現六經形証治宜汗之亦不可過汗損其衛氣中藏者內閉九竅故唇緩失音鼻塞耳聾眼瞤大小便秘故可下之亦不可過下損其榮血中經脈者外無六經形症內無便溺阻滯故治之在經無表裏症不可汗下宜靜勝其燥是養血也大秦芎湯其有痿痺癱瘓偏枯痛痒頑麻中痰中氣似風而非風也故另立類中風條以別之

脈法無本
書新補
諸門附脈
法者悉
入也各
可知之

脈中風浮吉滑兼痰氣其或沉滑勿以風治或浮或沉而微而虛扶元治痰風未可踈浮遲者吉急痰者殂

●中府

中府者廢肢節審其六經形症用加減續命湯初中

先須理氣。烏藥順氣散。對星香散。若兼中藏大便秘。三化湯。失音舌強。大秦芎湯。痰涎盛者。稀涎散。竹瀝湯。荆瀝湯。

加減續命湯

麻黃 去節

人參 去芦

黃芩 去腐

川芎

芍藥 酒炒

甘草 炙

杏仁 去皮尖麩炒

防已 去皮

桂枝 淨炒

防風 去芦各一錢

附子 炮去皮 臍五分

右咬咀。生薑三片。水二盞。煎至一盞。通口服。連按

以下連舉
及減法
於此皆部違訂補載久大法亦方下方後文多異於原書者皆部違

古人以此方混治中風。未詳其証。蓋麻黃杏仁麻黃湯也。仲景以之治太陽。証之傷寒。桂枝芍藥。桂枝湯也。仲景以之治太陽。証之中風。如此言之。則中風而有頭痛身熱脊强者。皆在所必用也。人參甘草四君子之二也。局方用之以補氣。芍藥川芎四物湯之二也。局方用之以養血。如此言之。則中風而有氣虛血虛者。皆在所必用也。風淫末疾。故佐以防風。濕淫腹疾。故佐以防已。陰淫寒疾。故佐以附子。陽淫熱疾。故佐以黃芩。蓋疾不單來。雜揉

而至故其用藥亦兼該也。如治中風不審六經之形症加減。雖治與不治無異也。宜以此湯隨症加減治之如左。

○如中風無汗惡寒 麻黃續命湯主之

依本方 麻黃 杏仁 防風各加一倍

宜針至陰出血

穴在足小指外側 爪甲角針二分

崑崙舉躄 穴在足外

踝後跟骨 針透太谿

○如中風有汗惡風 桂枝續命湯主之

依本方 桂枝 芍藥 杏仁各加一倍

宜針風府

穴在項後入髮一寸針入三分禁灸

已上二症皆太陽經中風也

○如中風有汗身熱不惡寒 白虎續命湯主之

依本方加石膏知母各二錢甘艸再加一倍

○如中風有汗身熱不惡風 葛根續命湯主之

依本方加葛根 桂枝 黃芩再加一倍

宜針陷谷

穴在足大指次指本節後陷中針入五分

去陽明之賊

兼刺厲兌

穴在足

瀉陽明之實

已上二症皆陽明經中風也

○如中風無汗身涼 附子續命湯主之

依本方 附子加一倍 乾薑加二倍

甘艸加二倍

宜針隱白

穴在足大指內爪甲角

去太陰之賊

此太陰經中風也

○如中風有汗無熱 桂附續命湯主之

依本方

桂枝

附子

甘艸

各加一倍

宜針太谿穴

在足內踝後跟骨上陷中針透崑崙

此少陰經中風也

○如中風六經混淆。繫之於少陽。厥陰或肢節攣痛。

或麻木不仁。宜羌活連翹續命湯主之

依本方加羌活連翹也

少陽之經絕骨

穴在外踝上三寸灸五壯

灸以引其熱

厥陰之井大敦

穴在足大指甲聚毛間

刺以通其經

烏藥順氣散

烏藥

陳皮

各二錢

麻黃

去節

川芎

枳殼

去穰麩炒

白芷

桔梗

各一錢

僵蠶

炒去絲

乾薑

炮五分

甘草

炙三分

右剉一劑。生薑三片。棗一枚。水煎溫服。達按本方以順氣名者。蓋遍身麻痺。表氣不順也。故治以麻黃川芎。語言蹇澀。裏氣不順也。故治以烏藥陳皮枳殼。口眼歪斜。面部之氣不順也。故治以白芷僵蠶。喉中氣急。甘少可緩。肺氣上逆。桔梗可下。痰之爲物。寒則結滯。熱則流通。佐以乾薑。行其滯也。此治標之劑也。然必邪實初病之人。方可用。

中風一身俱麻。加人參。白朮。當歸。川芎。麥門冬。○久患左癱右瘓。去麻黃。加天麻。防風。羌活。半夏。南

星。木香。當歸。○口眼喎斜。加生薑。○虛汗去麻黃。加黃芪。○中風面目十指俱麻。乃氣虛也。補中益氣湯。加木香。香附。羌活。防風。烏藥。

對星香散

治中風體肥痰盛。口不渴者。此方主之。

牛膽

南星

八錢

木香

一錢

右咬咀。每服四錢。生薑十片。水一大盞。煎七分溫服。達按本方用南星。燥痰之品也。曰體肥。曰痰甚。曰不渴。則宜燥也。可知矣。故以南星主之。而必入牛膽者。制其燥也。佐以木香。利痰氣也。

本書指掌
圖云。當歸。散對星香散
人法。同惟常
以當歸。散對星香散
和星香散。煎
服。此藥。非特可
治中風。之症。治
中風。中惡。之宜
尋常。止嘔。之
疾。者。亦可用之。
○方在羅亂門

今此書作

對呈香散

無蒼香正

氣散五字誤

●中藏

中藏無別病。大便秘者。用三化湯。老弱之人。以滋潤湯代之。若口開。眼合。撒手。遺尿。汗出如油。搖頭。直視。面赤如瘰。聲如鼾睡。脉急。大實者。皆不可治。不省人事。用通頂散。或半夏末。吹鼻中。取嚏。如無嚏者。灸痰涎。盛用稀涎散。或蝦汁吐之。痰多有熱。荆瀝湯。

三化湯 治中藏者以此通其滯。調以十全四物。

大黃

枳實

厚朴

羌活

右咬咀等分。每服一兩水煎服。

滋潤湯 治風中在藏。大便秘結。

當歸

生地黃

枳殼

去穰

厚朴

去皮

檳榔

大黃

火麻仁

杏仁

去皮

各一錢

羌活

七分

紅花

各一錢三分

右剉水煎。空心溫服。

通頂散 治病人初中風。昏憤不省人事。口噤不能

開者急用之。

藜蘆

填骨生

麻芎

細辛

人參

各一錢

石膏

五分

右為末。吹鼻中一字。就提起頭頂心髮立甦。有嚏者可治。無嚏者不可治。

稀涎散 治中風忽然如醉。形體昏悶。四肢不收。涎潮搖擗。用以吐出痰涎便醒。

明礬

一兩

半生半枯

皂角

四條

去黑皮炙

每服三錢。溫水調灌。風痰自出。按本方治中風

暴仆痰涎壅塞者。蓋濁邪在上。風盛氣壅而然也。經曰。病發而不足。標而本之。先治其標。後治其本。

故不與疎風補虛而先吐其涎。白礬之味鹹苦。鹹能軟堅。苦能去濕。皂角之味辛鹹。辛能利竅。鹹能去污。名之曰稀涎。固奪門之兵也。師曰。凡吐中風之痰。使咽喉疎通。能進湯液便止。若攻盡其痰。則無液以養筋。反令人孿急偏枯。此大戒也。

荆瀝湯

方見類中風內

●中經脉

無表裏症。口眼喎斜。半身不遂。宜靜勝其燥。是養血也。大秦芎湯。汗吐下後。初症既定。宜靜藥養之。

黃清心丸。痰涎盛竹瀝湯。口眼喎斜瓜蒂散。或蝦汗吐之。血虛四物湯。吞活絡丹。

大秦朮湯 治中風手足不能運動。舌強不能言。風邪散見不拘一經者。此方主之。

秦朮 去芦 石膏 各三兩 生用 甘草 川芎

當歸 酒洗 羌活 去芦 獨活 防風

黃芩 酒炒 白芍藥 酒炒 吳白芷 白朮

生地黃 酒洗 熟地黃 白茯苓 去皮 各二兩

細辛 五錢

每服一兩。水煎陰雨濕勝時。加生薑七片。春夏加知母七分。心下痞加枳實一錢煎服。○按中風虛邪也。許學士云。留而不去。其病則實。故用驅風養血之劑。以秦朮為君者。攻一身之風也。以石膏為臣者。去胸中之火也。羌活散太陽百節之風。防風為諸風藥中之軍卒。三陽數變之風邪。責之細辛。三陰內淫之風濕。責之苓朮。去厥陰經之風。則有川芎。去陽明經之風。則有白芷。風熱干乎氣。清以黃芩。風熱干乎血。涼以生地。獨活療風濕在足。

少陰甘少緩風邪上逆于肺。用歸芍熟地者。所以養血于踈風之後。一以濟風藥之燥。一使手得血而能握。足得血而能步也。

牛黃清心丸 方見癩症

竹瀝湯 方見類中風條下

瓜蒂散 方見痰症

四物湯 方見血症

活絡丹 治中風口眼喎斜。半身不遂。及諸風痺手足拳攣。筋脉不舒。皆風邪濕毒。流滯經絡。渾身走

注疼痛。脚心釣痛。腿臂間忽一兩點痛。並宜服之。

南星 炮

川烏 炮

草烏 炮

地龍 各六兩

乳香

沒藥

另研各三兩三錢

右為末。酒糊丸如梧子大。每服二十九。空心酒下。

荊芥湯亦可。

即建補入
增補省風湯

治中風口眼喎僻。痰涎壅盛者主之。

半夏 一錢 薑製

防風 一錢

全蝎 二錢 去翅足

膽星

甘少 炙

生白附

生川烏

木香 各五分
不見火

以省風名者。省減其風之謂也。蓋風壅其痰。于面部。則口眼喎僻。塞于胸中。則痰涎壅盛。是方也。防風白附全蝎川烏。可以活經絡之風痰。而正口眼。膽星半夏甘中木香。可以療胸次之風痰。而開壅塞者焉。

摠按 補 邵氏補

醫學指迷云。夫木必先枯也。而後風摧之。人必先虛也。而後風入之。氣虛之人。腠理不密。故外風易

襲。血虛之人。肝木不平。故內風易作。蓋虛之所在。邪必轉之。腑虛則中腑藏虛。則中藏。血脈虛則中血脈。中藏多滯。九竅故口噤不開。目瞑無視。失音不語。大小便不通。中府多着。四肢故半身不遂。手足不隨。痰涎壅盛。喘聲如雷。然目猶能視。口猶能言。大小便不閉。以此為別。爾若口眼喎斜。沉沉欲睡者。中血脈也。此為最輕。中腑者。易治。中藏者。難治。中府者。宜汗。從乎陽也。中藏者。宜下。從乎陰也。中府後幸。而得愈。若不戒酒色。不避風寒。必復中。

中必在藏雖神仙亦莫能治蓋由淺以及深也

明醫指掌

卷二

一九五

二

新增也無
本書

○類中風二

歌卒倒原從氣分虛濕痰能中右邊肢左邊死血併
無血不語涎多吐最宜口噤筋攣風熱甚四肢不
舉屬於脾更兼痿瘳與麻痺休作風邪真中醫
論河間云風病多因熱盛俗云風者言末而忘其本
也有風者亦非外中之風良由將息失宜而心火
暴甚腎虛不能制則陰虛陽實熱氣怫鬱心神昏
冒故卒倒無知亦由喜怒悲憂恐五者過極而卒
中皆為熱微則僵仆氣血流通筋脉不攣發過如

月文書上日掌

卷二

上三

丹溪云
此三字有於
本書

故甚則熱氣太盛鬱滯不通陰氣暴絕陽氣後竭
而死故痰涎者偏枯者口噤者筋急者筋反縱者
皆為燥熱之證故主乎火也大南亦有丹溪四字西北氣寒為風所中
誠有之東南氣溫多濕有病風者非風也皆由濕
生痰痰生熱熱生風經所謂亢則害承迺制也古
方以風痿滾同論治故多以治風藥通治痿疾殊
不知痿因肺熱葉焦傳入五藏散為諸痿如四肢
不舉舌本強足痿不收痰涎有聲悉屬於土為濕
熱以風治之非也故主乎濕東垣云言中風者皆

由元氣不足則邪乘之益氣則風自除故卒倒僵
仆皆由氣虛故主乎氣許學士云暴怒傷陰暴喜
傷陽憂愁不已氣多厥逆往往得此疾便覺涎潮
昏塞牙關緊急脉伏身寒此名中氣若中風則身
溫為異耳然諸家之說皆非外中之風故曰類中
風

氣虛 附血虛

僵仆卒倒氣虛也六君子湯加黃耆竹瀝薑汁或
濃煎人參湯加竹瀝薑汁○血虛八珍湯地黃須

用薑汁炒。則不泥膈。

六君子湯

八珍湯 二方並見氣虛證

四君子加竹瀝薑汁方

人參 三錢 白朮 一錢 茯苓 二錢 甘草 五分

竹瀝 半盞 薑汁 五匙

按丹溪曰。半身不遂。在右者屬氣虛。以此方主之。氣虛者宜補之以甘。故用參朮茯苓甘四件。稱其為君子者。謂其甘平有冲和之德。而無尅伐之性也。

其加竹瀝。為能行痰。其加薑汁。所以行竹瀝之滯。而其成伐痰之功耳。

四物加桃仁紅花竹瀝薑汁方

當歸 酒洗 川芎 酒洗 白芍 酒炒 熟地 酒蒸

桃仁 去尖 紅花 各等分 竹瀝 半盞 薑汁 五匙

按丹溪曰。半身不遂。在左者屬瘀血。以此方主之。用芎歸芍地。生血藥也。新血生。則瘀血滑而易去。用桃仁紅花。消瘀藥也。瘀血消。則新血清而易生。然亦加夫竹瀝薑汁者。以痰之物。靡所不之。無分

左右而為患也。

●中氣

痰氣若厥逆身冷脉沉伏勿作中風治以蘇合香丸灌醒然後調治續用烏藥順氣散八味順氣散蘇合香丸治男婦中風中氣牙關緊閉口眼喎斜不省人事并傳屍骨蒸勞瘵卒暴心疼鬼魅瘴癘小兒急慢驚搐婦人產後中風赤白痢疾一切氣暴之證最能順氣化痰。

沉香

木香

丁香

白檀香

麝香

研另

香附

白朮

安息香

酒熬

訶子肉

萹撥

硃砂

水飛

烏犀角

鎊各一兩

乳香

片腦

蘇合香油

入安息香內酒熬各五錢

右為末研勻用安息香膏并煉白蜜和劑每服旋丸如桐子大取井花水溫冷任意下四丸老人小兒服一丸溫酒化下。
邵氏藥補入
按病人初中風喉中痰塞水壅難通非香竄不能開竅故集諸香以利竅非辛熱不能通塞故用諸辛為佐使犀角雖涼涼而不滯訶黎雖澁澁而生津世人用此方於初中之

時每每取効。丹溪謂辛香走散真氣。又謂麝腦能引風入骨。如油入麪。莫可解也。醫者但當用之以救急。慎勿令人多服也。

烏藥順氣散

方見前真中條

八味順氣散

治中風正氣虛。痰壅盛者。此方主之。

白木

土炒

茯苓

青皮

炒

陳皮

去白

烏藥

白芷

人參

各一錢

甘草

五分

邵氏按經曰。邪之所湊。其氣必虛。故用四君子以補氣。治痰之法。利氣為先。故用青皮陳皮。台烏白芷以

順氣。氣順則痰行。而無壅塞之患矣。此標本兼施之法也。

●痰火

痰涎盛。偏枯口噤。筋急拘攣。筋反縱。脉數燥火為病。牛黃清心丸主之。在表。防風通聖散。在上。涼膈散。昏冒發熱。不惡寒。不安臥。此風熱煩躁。瀉青丸。痰火熾盛。煩渴。便秘。脉數大。三黃枳實湯。滾痰丸。

牛黃清心丸

方見癰症

防風通聖散

治中風。一切風熱。大便秘結。小便赤

澁頭面生瘡。眼目赤痛。或熱生風。舌強口噤。或鼻
生紫赤。風刺癢疹。而為肺風。或成風癘。而世俗呼
為大風。或腸風。而為痔漏。或腸鬱。而為諸熱。譫妄
驚狂。竝皆治之。

防風

川芎

當歸

赤芍藥

酒炒

連翹

薄荷

麻黃

各四分

石膏

煨

桔梗

黃芩

各八分

白朮

山梔子

酒炒

荆芥

各三分

滑石

二錢四分

大黃

芒硝

各四分

甘草

一錢

右薑葱。豆豉。同煎。○自汗。去麻黃。自利。去大黃。芒

硝。○按本方有防風麻黃解表藥也。風熱之在皮

膚者。得之由汗而泄。荆芥薄荷。清上藥也。風熱之

在巔頂者。得之由鼻而泄。大黃芒硝。通利藥也。風

熱之在腸胃者。得之由後而泄。滑石梔子。水道藥

也。風熱之在決瀆者。得之由溺而泄。風淫於鬲。肺

膚受邪。石膏桔梗。清肺膚也。而連翹黃芩。又所以

祛諸經之遊火。風之為患。肝本主之。芎歸芍藥。和

肝血也。而甘草白朮。又所以和胃氣。而健脾焉。

涼膈散

瀉青丸

二方並見火證條下

三黃枳實湯

黃芩

黃連

大黃

煨各一錢

厚朴

甘草

各五分

枳實

一錢

○右水煎熟服不拘時。

礞石滾痰丸

方見痰飲條下

●濕痰

口眼喎斜。半身不遂。涎多不語。中於右。屬痰。稀涎散吐之。痰盛胸滿。導痰湯。肥人痰厥。口眼喎斜。手

麻木。化痰丸。四肢不收。心神恍惚。不知人事。六君

子湯。加竹瀝薑汁。熱多。荆瀝湯。或加陳湯。或青

州白丸子。痰火甚。滾痰丸。

稀涎散

方見前真中風條

導痰湯

卽二陳加南星枳殼

六君子湯

方見脾胃

二陳湯

方見痰飲

竹瀝湯

治中風四肢不收。心神恍惚。不知人。不能

言

竹瀝 二升 生葛汁 一升 生薑汁 三合

相合作三服。

荆瀝湯 治中風有痰多熱宜常服此。

荆瀝 二升 竹瀝 二升 生薑汁 二合

相合溫服

青州白丸子 治小兒驚風大人諸風牙關緊急或

痰喘體麻。

生半夏 七兩 生白附 二兩 生川烏 五錢 去皮

生南星 二兩

右為細末盛絹袋中以井水中擺出末更將手時揉之令出如有查再為末再入絹袋中再擺揉以盡為度放磁盆中日晒夜露每朝晨要換新鮮水春五日夏三日秋七日冬十日去水晒乾如玉片研細以大米粉煎粥飲丸如棗豆大每服三五丸薄苛湯下風癱溫酒下服不拘時。

○達按前證若少壯之人氣血未虛真水未竭適因怒動肝火火畏水不能上升所以身涼無痰涎然須臾便醒者水旺足以制火也此名中氣老衰之

人氣血俱虛真水已竭適因怒動肝火火寡於畏
得以上升所以身温有痰涎然多不能治者水竭
無以降火也此名中痰雖然少壯之人亦有不治
者男子乃色慾過多下元水虧不能制火女人乃
經後產後去血過多不能配氣適因忿怒動火而
陽氣無所依附則隨火而發越矣陰也血也豈不
為陽氣之根本乎

○中寒三

歌胃虛膚豁中寒深厥逆身涼脉細沈要辨內傷并
外感理中薑附倍加參

論有卒中天地之寒氣者屬外因有口食寒物而得
者屬內因然胃氣太虛膚鞅疎豁故寒邪直入於
中其病即發手足厥冷脉息細微身雖不熱或有
微熱而不渴倦言動者是也當急温之遲則不救
非若傷寒之邪循經傳裏之緩也東垣云內傷極
多外傷間有之西北極寒多外感東南温和多內

踏具首口踏
踏不伸也
李奇華傳

中寒無脈
法新補

傷外感者。五積理中薑附麻黃細辛之類。內傷者。從補中益氣湯。加溫散之劑。

脉中寒緊澁。陰陽俱盛。法當無汗。有汗傷命。

外因

若平素怯弱之人。外中寒邪而得者。蓋虛人腠理疎豁。氣血內損。故寒邪直中于中。不作熱。手足厥冷。用麻黃附子細辛湯。五積散。房勞而中寒厥逆者。四逆湯。三建湯主之。外用溫臍法。

麻黃附子細辛湯。治少陰始得之病。反發熱脉沉

者。此方主之

麻黃 細辛 附子
各四錢 炮二錢半

按病發於陰者。當無熱。今少陰病始得之。何以反發熱也。蓋其病本由太陽傳來者。腎虛則真寒直入而脉沉。表有餘邪。因發熱。故用麻黃以發太陽之汗。用辛附以溫少陰之經。

五積散

桔梗 蒼朮 陳皮 厚朴
十二兩 米泔浸去粗皮二十四兩 去白

麻黃 枳殼
去節 去穰麩炒 各六兩

月醫指掌 卷二 三

乾薑 各四兩

白芷

川芎

甘草 炙

茯苓

肉桂

芍藥

當歸

半夏 湯泡七次 各二兩

邪逆也

按本方治寒客經絡內傷生冷頭身俱痛嘔吐腹

疼惡寒拘急者主之。○每服四錢水一盞半生薑

三片葱白三根煎七分熱服。○挾氣加吳茱萸。

四逆湯

甘草 炙二兩

乾薑 半兩

附子 去皮臍半兩

按右方治寒中太陰受病即發脉微不渴四支逆

冷者主之以生附配乾薑補中有發之意也。○每

服五錢水一盞煎七分溫服不拘時。

三建湯

大川烏

附子

天雄

竝泡等分

每服四錢加生薑十片煎服。

溫臍法

用麝香半夏阜莢各一字為末填臍中將生薑切

薄片貼之放大艾火於薑片上蒸灸三七壯灸關

元氣海二十壯熱氣通於內寒氣逼於外陰自退

而陽自復矣。

內因

虛弱人。口食生冷寒涼之物。手足厥冷。臍腹絞痛。脉脫或遲。人參理中湯。薑附湯。因房勞內傷元氣。重中於寒。脉脫者。三建湯。因勞役內傷元氣。復感於寒者。補中益氣湯。加薑附主之。

人參理中湯 治太陰自病即發。自利不渴。寒多而嘔。腹痛鴨溏。虵厥霍亂等證。

人參

乾薑 炮

甘草 炙

白朮

各二錢半

右剉作一劑。水煎溫服。○如吐多。去白朮。加生薑。○下多。倍白朮。人參。○寒多。加乾薑一錢半。○有動氣。去白朮。加肉桂二錢。○脉沉微而遲者。加炮附子二錢。名附子理中湯。

薑附湯 治中寒昏不知人。身體強直。口噤不語。四肢逆冷。臍腹冷痛。霍亂轉筋。一切虛寒。並皆治之。

乾薑 一兩

附子

生。去皮臍。細切一枚。

每服三錢。水一盞半。煎七分。食前溫服。○挾氣不仁。加防風。○挾濕。加白朮。○筋脉拘急。加木瓜。○

肢節痛。加桂二錢

補中益氣湯

方見勞役內傷條

○ 達按經云。夫寒陰氣也。寒中陽經。陽猶能抗陰。其病易愈。寒中陰經。兩陰相遇。膠固難愈。故病太陰少陰者必重且危。病厥陰者多死。有等下命之徒。既跌撲瀾灑。內傷於血。復輕生投水。外著於寒。血得寒而凝結。寒得血而深入。未有能生者也。

百命
外遺張氏傳
註命名也
見雜府

中暑四

歌暑傷氣分。汗如傾。身熱頭疼躁不寧。所感必須分動靜。陰陽一證自然明。

論東垣云。靜而得之。曰傷暑。動而得之。曰中暑。富貴人避暑於涼亭廣廈。為房室陰寒。所遏暑火不伸。故曰靜而得之。辛苦人負重作勞動。耕力役。大暑行途者。此動而得之。王安道以靜得者。即是陰證。非暑也。然大暑炎熱。流行無所不至。雖外以風扇寒涼抑之。終非凜冽之寒邪。但外寒遏暑火不伸。

此古脈不
此古脈不
此古脈不

此寒為標熱為本故先以辛溫治其標寒繼以清涼治其本熱無不愈者若便作陰證名之用辛熱劑可呼學者宜臨時參究脉證可也

脉暑傷於氣所以脉虛弦細芤豁體狀無餘

動而得之

冒暑作勞身熱頭疼自汗煩渴面垢唇焦或身如針刺此熱傷分肉也人參白虎湯主之素有痰火復冒暑氣而惡心眩暈吐嘔者黃連香薷飲主之有痰加膽星半夏虛加人參內外挾火相灼卒倒

無不效
新補

不知人事者名曰暑風此暑氣入而鼓激痰火塞碍心竅故也治宜吐之

人參白虎湯 治伏暑發渴舌燥生芡刺身熱脉虛自汗等證

人參 一錢
知母 二錢
石膏 五錢
甘草 炙 一錢

右方入梗米一撮水一鍾煎八分不拘時服○若腹痛吐瀉飽悶者石膏切不可用○熱極小便遺尿不止加炒黃柏○煩躁加辰砂末酸棗仁

黃連香薷飲 治伏暑引飲口燥咽乾或吐或瀉

加減法無
本云

黃連薑炒四兩厚朴薑炒六兩扁豆微炒半觔香薷去土一觔

每服三錢。水一鍾。酒少許。煎七分。沉冷。不拘時服。
○若卒中昏冒。僵仆。角弓反張。不省人事。手足或發搖擗。此為暑風。不可作風治。以本方加羌活。主之。○瀉利。加白朮。茯苓。○脉虛弱。加人參。五味。麥冬。○虛汗不止。加黃耆。白朮。○心煩。加梔子。辰砂末。○渴。加乾葛。天花粉。○胸滿。加枳殼。桔梗。○小便不利。加赤茯苓。滑石。○嘔吐。加藿香。陳皮。薑汁。十味香薷飲。消暑氣。和脾胃。

香薷 一兩人參 陳皮 白朮

黃耆蜜炙 扁豆炒去殼 甘草炙 厚朴薑炒

木瓜 白茯苓去皮各半兩 ○脉虛加麥冬。五味。

右為末。每服二錢。熱湯冷水任調下。

●靜而得之。

避暑于深堂大厦。為陰寒所遏。暑不得越。手足厥逆者。大順散。霍亂者。六和湯。桂苓甘露飲。

大順散

乾薑一錢炒 甘草八分蜜炒 肉桂去皮 杏仁去皮尖各六分

月... 卷二

右爲粗末。水煎溫服。如煩躁并花水調下。○按本方治夏月引飲過多。脾胃受濕清濁相干。陰陽氣逆。霍亂吐瀉腹痛。脈遲者主之。用乾薑肉桂溫胃而建中。甘草杏仁調脾而利氣。非治暑之藥。乃治飲冷受傷之劑也。若非飲冷。切勿執方。

六和湯

桂苓甘露飲

二方並見霍亂

○達按暑與熱同義而異名。中暑卽中熱也。何分之有。歷代醫家乃有中暑中熱之分。吾不知其所謂。

說得太好

假如道中行人。酷日趨程。野中農夫。暄天勞力。津竭汗盡。咽喉如燒。饑未得食。渴未得飲。勞未得息。卒然昏冒。不省人事。身體發熱。名爲中暑。雖謂之中暑。亦可也。至於素享富貴之人。其性不耐寒暄。每至暑月。卽池亭水閣。以安其身。浮瓜沉李。以供其口。環水揮扇。以祛其熱。藤簟竹牀。以取其涼。炎蒸不來。清風滿座。內有伏陰。外受涼氣。汗不流而肌理密。陰愈侵。而陽不發。卒然昏眩。寒熱交作。嘔吐腹痛。乃爲夏月感寒。非中暑也。法當溫以理其

辛以散其表不可執中暑之說而用治暑之劑也宜以生薑葱白木香陳皮羌活紫蘇之類

○濕證五

歌東南土薄濕多生風雨山蒸屬外因西北地高濕疾少乳醪濕麩內因成腰如石墜頭如裹聲壅如同甕裏鳴肢節痛兮兼痿痺四肢緩縱不能行脈來沉緩無疑惑疽腫虛浮泄利頻上下分消施汗泄若然濕鬱取風升

論夫濕有自外入者有自內出者必須審其方土東南地土卑下多陰雨濕氣必從外入多自下起故重腿脚氣者多治當汗散久則滲泄西北地高無

本之無
脈法

濕人多食濕麩。潼乳酒醪。以飲多。快食為尚。或酒後寒氣怫鬱。濕不得越。病從內生。故多腹皮脹滿。水鼓浮腫。按之如泥之病。治須通利。二便甚則逐水驅之。責其根在內也。然南北方土。其內外所因感亦互有之。但有多少之殊耳。不見執一見也。脈濕則濡緩。或兼澁小。入裏緩沈。浮緩在表。若緩而弦。風濕相攪。

外因

濕從外受。在上。羌活勝濕湯。升陽除濕湯。在下。四

本之
作五

苓散。平胃散。風濕勝。脈浮。汗出。身重。防已黃耆湯。

調之。在下。氣實。大小便不通者。導水丸。

羌活勝濕湯。治脊痛項強。腰似折。項似拔。上衝頭

痛。及足太陽經不行。

羌活 獨活 藁本 防風

甘草 川芎 蔓荊子 水煎溫服。

如身重腰沉沉然。乃經中有濕也。加蒼朮二錢。黃柏一錢。附子五分。○按經曰。風能勝濕。故用羌防等諸風藥。如卑濕之地。風行其上。不終日而濕去。

矣。又曰。無竅不入。惟風爲能。故凡關節之病。非風藥不可。用甘草爲佐者。以風藥悍燥。用以調之。此之謂有制之兵也。

升陽除濕湯 治脾虛不能運化。濕勝濡瀉主之。

升麻 中 柴胡 中 防風 中 蒼朮 上

澤瀉 中 猪苓 中 陳皮 下 神麴 中

麥芽 中 甘草 下 水煎。食前服。

按經曰。清氣在下。則生飧泄。故先用升麻柴胡。以提清氣。又曰。濕勝則濡瀉。故用蒼朮防風以發汗。

猪苓澤瀉以利水。此上下分消之法也。夫瀉雖生於濕。然必從飲食而得者。故用麴蘖陳甘。以消食健脾。脾能健運。則濕自除。而瀉自止矣。

防已黃耆湯 治風濕相搏。客在皮膚。四肢少力。關節煩疼。脉浮身重。汗出惡風。

防已 一兩 甘草 炙五錢 白朮 七錢半 黃耆 一兩二錢

右咬咀。每服一兩。棗一枚。薑三片。煎服。

內因

飲食入。濕從內生。二陳湯加蒼朮白朮。平胃散。飲

食內傷停濕。胸滿腫脹發黃。茵陳五苓散。實者舟車丸。若飲酒動濕。升而汗之。解醒湯。

二陳湯

方見痰飲

四苓散 治內傷飲食有溼。小便赤少。大便溏泄。

白朮

茯苓

猪苓

澤瀉

按經曰。溼勝則濡泄。故濕生於內者。令人水泄。濕併於膀胱。故小便不利。白朮性燥。燥則健脾。茯苓本淡淡能滲濕。猪苓有滲而無補。澤瀉潤下而兼滲。丹溪云。治濕不利小便。非其治也。故以此方主

之。○加桂名五苓散。加茵陳名茵陳五苓散。

平胃散 治脾胃不和。土濕太過。腹脹不食者主之。

蒼朮

君米泔浸

厚朴

臣薑汁炒

陳皮

臣

甘草

佐炒

按經曰。谷氣通於脾。今山嵐障氣。谷氣也。令人不服水土而腹脹。是土濕太過也。故用蒼朮燥濕為君。厚朴陳皮。寬中泄氣為臣。甘草和諸藥為佐。濕氣去。則胃氣平矣。○右為末。每服五錢。薑棗煎服。

葛花解醒湯

方見內傷條

導水丸 主瀉濕熱。通利二便。必高燥之地。黑瘦之

人膏梁之家。熱燥之病。服之切當。若下濕之地。肥白之人。淡食之家。寒濕之病。猶未當也。

大黃 黃芩 各二兩 牽牛 滑石 各四兩

右為細末。水丸。如菉豆大。溫水下二十九。日三服。

舟車丸 治濕勝氣實

大黃 二兩 甘遂 大戟 芫花

青皮 陳皮 各一兩 牽牛 頭末四兩 木香 五錢

右為細末。水丸。白湯送下。隨病加減。

○燥證六

歌燥甚津衰。血不充。大腸乾澀。故難通。若然。皺揭併乾勁。蓋是陽明燥氣鍾。

論經云。諸澀枯涸。乾勁皺揭。皆屬於燥。河間云。風熱火同陽也。燥濕寒同陰也。又燥濕小異也。然燥金雖屬秋陰。而異於寒濕。反同其風熱。故火勝金而風生。則風能勝濕。熱能耗液。而反寒。陽實陰虛。則風熱勝於水濕。而為燥也。熱燥在裏。耗其津液。故大便秘結。消渴生焉。夫風勁清肅。燥氣在表。鍾於

皮膚則皮毛燥澁皴揭乾疥。爪枯之病生焉。東垣云。饑飽勞役損傷胃氣。及食辛辣厚味之物。而助火邪伏於血中。耗散真陰。津液虧少。故大便秘結燥然燥結。亦有風燥熱燥陰結陽結之類。治法以辛潤之。以苦瀉之。則結散燥除也。

●風燥

血弱不能養筋。筋燥手足不能動。指爪枯槁。大秦芎湯。大腸風閉燥結者。搜風順氣丸。

大秦芎湯

方見真中風條

搜風順氣丸

治腰脚疼痛。四肢無力。惡瘡下注。風

氣脚氣常服潤三焦。和五臟潤腸。除風濕。

大黃

五兩半生半熟用

麻仁

微炒去殼另研

山茱萸

去核

山藥

各三兩

檳榔

郁李仁

另研

兔絲子

酒蒸

牛膝

酒浸二兩

車前子

二兩

枳殼

炒

川獨活

各一兩

防風

一兩半

右爲末。蜜丸如梧子大。每服三十九。茶酒任下。

●火燥

脾胃伏火。大便秘結。潤腸丸。脾約麻仁丸。五內火。

熾盛燒灼津液煩渴燥甚白虎湯燥熱結者清涼
飲子

潤腸丸

桃仁

去皮尖
另研

麻仁

炒去殼
各一兩

大黃

煨

羌活

當歸梢

各五錢

○如風濕加皂角秦艽○如脉澀

氣滯加郁李仁○右為末煉蜜丸如梧子白湯下。

脾約麻仁丸

治腸胃熱燥大便秘結。

厚朴

薑製

枳實

麩炒

芍藥

各八分

大黃

一兩六錢
酒蒸焙乾

杏仁

去皮尖
炒

麻仁

炒去殼另
研各五錢

右為末蜜丸如梧子大每服二十九臨臥溫水下。

潤麻丸 能潤血燥大便不通

麻仁

當歸

桃仁

生地

枳殼

各一兩

右為末蜜丸如梧子大每服五十九空心白湯下。

白虎湯

方見火症

清涼飲子

大黃

當歸

赤芍

甘草

右各等分水煎服。

此一守女
去題寒
燥一治方
少異也

● 虛燥

陰虛火盛。下焦燥熱。小便澀數者。六味地黃丸。大補陰丸。虛秘者。蜜導法。膽導法。血虛乾涸。臟結者。元戎四物湯。通幽湯。或蜜導法。

六味地黃丸

大補陰丸

二方見虛損

元戎四物湯

治臟結閉澀

四物加煨大黃桃仁等分煎服

通幽湯

治幽門不通。上衝吸門。吸門不開。則為噎

塞。治在幽門。以辛潤之。

生地

熟地

各五分

甘草

炙

紅花

各三分

升麻

五分

當歸身

桃仁泥

各一錢

右剉。水煎。調檳榔末五分。稍熱服。

蜜導法

以蜜煉如飴。捻成指大。長二寸許。納穀道中。

○火證七

歌五行各一火惟二君相之火心腎是或因喜怒憂
 恐悲擾亂妄動名五志腎經一水奚能勝七火奔
 騰何可制因而陽盛陰常虧所以丹溪把陰濟治
 火之法非一端補虛瀉實發鬱滯更有陽火陰火
 名故立正治與從治河間推廣火之機泄漏軒岐
 千古秘

論夫五行各一其性惟火有二君相是也此二火出
 於天成又有五志過極擾亂妄動五臟之火隨起

名曰五志之火。出於人為丹溪所謂一水不能勝七火。所以火之為病甚多。內經病機一十九條。而屬火者五。河間又推廣其說。火之致病甚悉。如喘嗽嘔吐。暴注下迫。轉筋。小便渾濁。腹脹大鼓之。如一鼓癰疽瘍疹。癭瘤結核。吐下霍亂。脊鬱腫脹。鼻窒。鼻衄。血溢。血泄。淋閉。身熱惡寒。戰慄驚惑。悲笑譫妄。衄血。血汚之病。皆手少陰君火之為病也。如瞽。瘵暴瘖。冒昧。躁擾狂越。罵詈驚駭。肘腫酸疼。氣逆衝上。禁慄如喪。神守。噎嘔瘡瘍。喉痺。耳鳴及聾。嘔。

湧溢。食不下。目昧不明。暴注。癰瘕。暴病暴死。此皆屬手少陽相火之為病也。然火病既非一端。治法難拘。一理當審其虛實之候。究其受病之由。隨其陰陽之性。委曲調治。則火易伏。否則激薄其性。反致燔灼。莫能禦也。

脉虛火浮數實火沉大。隨其所見。細數為害。

●君火

君火者。心火也。可以濕伏。可以水滅。可以直折。黃連解毒湯。三黃丸。梔子金花丸。實者可以硝黃水。

無脈

水正治。君火熾甚。用寒藥直折其火。其火轉甚者。須用薑汁。或酒製炒。則火自伏。此寒因熱用之法也。又云。心為君主。自焚則死。故多暴死之證。

正下平氣平也黃連解毒湯 治三焦實火。內外皆熱。煩渴溲赤。口

舌生瘡。便秘脉數者主之。

黃連 炒

黃芩 炒

黃柏 炒

山梔

炒等分

右水煎熟服。水法為丸。名梔子金花丸。茶湯吞下。

三黃丸 又名三補丸 即前方減去山梔是也

按經曰。壯火食氣。少火生氣。蓋少火之火。無物不

生。壯火之火。無物不耗。故少火宜升。壯火宜降。故以黃芩清上。黃連清中。黃柏清下。則三焦之壯火自伏。而氣得其生。血得其養矣。故曰三補。雖然。火有虛實。是方但可以治實火。若虛者用之。則火反盛。謂降多亡陰也。

●相火

相火者。龍火也。不可以直折。惟黃柏可以治之。隨其性而伏也。若以冰水寒涼正治立死。宜大補陰丸。坎離丸。氣從下而衝上者。內挾相火。腎水虛。不

能制之。宜生地丹皮玄參知母之類以壯水。

大補陰丸

方見虛損

此字本無

坎離丸

一名滋腎丸

治腎火起於湧泉之下。

黃栢

十兩

知母

六兩

肉桂

五錢

水丸。空心淡鹽湯送下。○按是方。知母黃栢。性味

苦寒。水之屬也。故能滋益腎水。肉桂辛熱。火之屬

也。故能假之反佐。正所謂坎離交而為既濟也。

●鬱火

鬱火可發。當看何經。四肢發熱。肌痺熱。骨髓中發

熱如燎。捫之烙手。此血虛而得之也。或胃虛多食

冷物。抑遏陽氣於脾土。升陽散火湯。手心熱。屬熱

鬱。用火鬱湯。或用梔子香附白芷半夏川芎麴糊

丸服。若因醇酒厚味膏粱積熱者。清胃散主之。

升陽散火湯 治過食冷物。抑遏少陽之火。鬱於脾

部者。

升麻

乾葛

獨活

羌活

各五錢

防風

二錢

柴胡

三錢

人參

白芍藥

五錢

甘草

半生半炙六分

每服五錢。水煎熱服。

按前方升柴羌獨。乾葛防風。皆辛溫上行之物也。用之以升少陽之氣。清陽既出上竅。則濁陰自歸下竅。而食物傳化。自無抑遏之患。芍藥味酸。能瀉土中之木。人參味甘。能補中州之氣。生甘草能瀉鬱火於脾。從而灸之。則健胃而和中矣。

火鬱湯

卽升陽散火湯去獨活。加葱白是也。

清胃散 治醇酒厚味。致唇齒作痛。或齒齲潰爛。或連頭面頸項作痛。

升麻

錢二

生地

丹皮

當歸

各一錢

黃連

炒一錢半

右水煎服 加犀角。連翹。甘草。名加味清胃散。

●五志之火

諸氣憤鬱。屬於肺火之升也。又悲哀動中。則火起於肺。經云。肺苦氣上逆。急食苦以瀉之。黃芩。葶藶。苦酒之類是也。瀉白散。清金丸主之。

諸風掉眩。屬於肝火之升也。又大怒火起於肝。柴胡。黃連。龍膽。草瀉之。或回令丸。

諸濕腫滿。屬於脾火之動也。醉飽火起於脾。宜芍藥黃芩石膏瀉之。此下本之有或浮抱湯四字

諸痛癢瘡瘍。屬於心火之動也。又怵惕思慮。則火起於心。瀉心湯導赤散瀉之。本書有黃連解毒湯五字無道赤散浮之五字

諸逆衝上。屬於腎火之升也。又房勞則火起於腎。惟黃柏知母順其性而伏之。本書此下有丹溪補陰丸字

瀉白散 治肺火為患。喘滿氣急者主之。

桑白皮一兩 地骨皮一兩 甘草五錢

右為粗末。每服二錢。水一盞。煎六分。食前溫服。

清金丸 治肺火

黃芩不拘多少。炒為末。水丸如菉豆。每服一錢。

瀉青丸 治肝經風熱實火

羌活 防風 山梔酒炒 龍膽草酒拌

當歸 川芎 大黃酒拌

右等分為末。蜜丸如彈子大。竹葉湯入砂糖調服。

回令丸 一名佐金丸 治肝火

黃連六兩 吳茱萸一兩湯

右為末。粥丸。白朮陳皮湯下。每服一錢。

此條異本
少有不異也

瀉心湯 治心熱 黃連為末。水調服

三黃瀉心湯 即前方加大黃黃芩等分煎服

導赤散 治小腸實熱

生地 木通 甘草 入竹葉煎溫服

●虛火

虛火可補。若飲食勞倦內傷元氣。火與元氣不兩立。為陽虛之病。宜補中益氣湯甘溫之劑除之。經云。溫能除大熱。是也。若陰微陽強。相火熾甚。以乘陰位。日漸煎熬。為血虛之病。以甘寒之劑降之。宜

四物湯加黃柏知母。用藥須稍加薑汁製之。此從治之法也。若房勞內傷。真陰失守。無根之火泛上。氣從足上而起。為陰虛之病。或從足底心起者。又虛之極也。難治。須大補氣血。兼溫散藥。宜丹溪大補陰丸。大補丸。以附子末罽湧泉穴。引火伏下。

補中益氣湯 方見內傷條

四物湯 方見血虛

大補丸 治陰火 黃柏炒褐色為末。粥丸 一法水丸

●實火

實火

此條不同
於本書

實火可瀉。若臟腑積熱。為陽強之病。如口舌生瘡。痰實不利。煩躁多渴。腸胃秘澁。便溺不利等證。涼膈散。人壯氣實。火盛顛狂。大便秘結者。黑奴丸。陽明火熾甚。煩渴熱燥者。白虎湯。火盛者。寒涼藥稍加溫劑。或酒炒。則邪易伏。

涼膈散 治火鬱上焦。大熱面赤者。主之。

大黃

朴硝

甘草

連翹

各二兩 四兩

梔子

黃芩

薄荷

各一兩

右為末。每服二錢。加竹葉七片。蜜些少煎服。

邵達原

按經曰。熱淫於內。治以鹹寒。佐以苦甘。故以芒硝為君。大黃為臣。黃芩梔子連翹薄荷甘草為佐。不作湯液而作散者。取其泥膈而成功於上也。

黑奴丸 治陽毒發斑。煩躁。大渴倍常。時行熱病。六七日未得汗。脉洪大或數。面赤目脹。身痛大熱。煩躁。狂言欲走。渴甚。又五六日已上不解。熱在胸中。口噤不能言。為壞傷寒。醫所不治。棄為死人。精氣已竭。心下纔煖。撥開其口。灌藥下咽即活。

黃芩

釜底煤

芒硝

麻黃

竈突墨

梁上塵

小麥奴

各一兩

大黃

二錢

右為細末。煉蜜為丸。如彈子大。新汲水化下。飲水盡。足當發寒。寒已汗出。乃瘥。若時頃不汗。再服一丸。須見微利。若不大渴。不可與此藥。

白虎湯

石膏

四錢

知母

一錢半

甘草

炙一錢

粳米

撮

右水煎溫服。不拘時。

道遠散

治虛勞骨蒸盜汗

當歸 白朮

紫胡 芍藥

茯苓 各錢

薄芩 耳炒 各五分 地骨皮 八分 作一貼生薑三片水煎服 本書方也

訂補明醫指掌卷之二 終

道遠散方
和劑局方
耳草 半兩
芍藥 壹錢
茯苓 壹錢
紫胡 各二兩
右為粗末。每服
二錢。水一盞。煎
生薑一塊。切破
薄荷少許。同
煎。至七分。去滓
煎服。不拘時。候
和劑局方 元甫曰此書中曰道遠散見火証而不山。今採局方字之

訂補明醫指掌卷之三

仁和雲洲皇甫中編輯

金壇宇泰王肯堂校訂

長洲繩山邵 達參補

○諸氣症一

歌 運行不息。真元氣出自中焦。統屬肺外。護皮毛。內導血。沖和百脉。名為衛。七情六欲有所干。清者濁而行。堵滯。擾亂妄動。失其常。各肉壅塞。從茲致局。治氣多。辛溫。往往流傳。千古。至我丹溪一發。

揮凡氣有餘從火治氣變火症常八九冷生氣者無一二氣虛氣實細斟量勿泥辛香峻削劑

論夫氣者氤氳浩大之元氣斯氣也在外則衛護皮毛充實腠理在內則導引血脉調和陰陽周流一身運行不息如環無端出入升降繼而有常源出中焦總統於肺氣曷嘗病於人也及其七情之交攻五志之間發乖戾失常則清堵遽變而為濁行者抑遏而反止擾亂妄動失其常度變而為火河間云五志過極則為火也丹溪云氣有餘便是火

本旨云 出於

高陽生之謬言也必須身受寒氣食寒物而正復寒者吾恐

又云上升之氣至肝而出中挾相火冷生氣者無一二也若此者則氣之屬火明矣而局方以沉香木香丁香檀藿麝等香與香附砂仁丁香益智二稜蓬朮枳殼枳實青皮厚朴半夏烏藥紫蘇萊菔子等辛香燥劑之破耗者通治諸氣此千古之弊也丹溪局方發揮痛并其非以開後學之盲矚若痞悶壅塞喘滿腫脹之證或暫用以開導若使常服久服寧無助火添病耗損真氣乎然氣有虛有實安可一槩治之乎消息而調之可也

此書此下有二十六頁

脈下手脈沉便知是氣沉極則伏濡弱難治其或沉滑氣兼痰飲。

●氣虛

勞役傷氣中氣不足四君子湯補中益氣湯真氣虛脈脫神衰氣短不足息人參養榮湯生脈散氣血兩虛自汗喘急脈細十全大補湯八珍湯。

四君子湯

方見脾胃條

人參養榮湯治積勞虛損氣血俱虧。

人參一錢去蘆

白朮一錢上炒

白茯苓八分

陳皮八分

黃芪八分

當歸一錢

白芍藥一錢酒炒

甘草八分

熟地黃一錢

遠志八分去心

五味子八分

肉桂七分

白芍藥一錢

熟地黃一錢

遠志八分

五味子八分

右剉一劑薑三片棗二枚水二盞煎一盞清晨服。

補中益氣湯

方見內傷條

生脈散 清暑益氣生脈補元。

人參一錢去蘆

麥門冬一錢去心

五味子一錢

右用水煎時服之。

八珍湯 平補氣血調和陰陽。

白朮一錢炒

人參一錢

當歸一錢

熟地黃一錢

白朮一錢

熟地黃一錢

白朮一錢

熟地黃一錢

白朮一錢

川芎 八分

白芍藥 錢一

白茯苓 錢一

甘草 錢一

八分

右剉一劑。水二盞。煎一盞。空心服。

十全大補湯 治男子女人諸虛不足。五勞七傷。

白朮

炒一錢半

人參

去蘆一錢

白茯苓

錢一

甘草

炙一錢

當歸

一錢二分

白芍藥

錢一

川芎

八分

熟地黃

一錢五分

黃芪

蜜炙一錢

肉桂

七分

右剉一劑。水二盞。薑三片。棗二枚。煎一盞。食前服。

●氣實

氣實者。邪氣實也。乃為氣實。當從火治。氣有餘。便

此治方異於本書

是火。當歸龍薈丸。氣實脹滿。四七湯加黃芩黃連。

山梔香附枳實陳皮之類。挾痰者。加瓜蒌貝母香

附海石之類治之。

當歸龍薈丸

方見脇痛條

四七湯 治氣實脹滿。胸膈不舒。一切諸氣之症。

厚朴

一兩半

茯苓

一兩半

半夏

二兩半

紫蘇

一兩

右剉。每服五錢。薑三片。棗二枚。水二盞。煎一盞。服。

●氣滯

氣滯者。鬱而不伸也。木香化滯湯主之。破滯氣。在

上枳殼桔梗砂仁香附在中厚朴枳實在下青皮木香檀榔因怒而氣滯不行者二陳湯加山梔柴胡香附氣滯而痛再加木香烏藥在內挾相火上衝而氣滯者知母黃蘗黃芩黃連香附陰虛氣滯者四物加知母黃蘗

木香化滯湯 治因憂氣食溼麩結於中脘腹皮底微痛心下痞滿不思飲食食之不散常常痞氣

枳實 二分 柴胡 四分 木香 三分 陳皮 五分

甘草 一分 半夏 一分 薑製 草豆蔻 五分 當歸 二分

紅花 一分

右剉一劑薑三片水二盞煎一盞空心服

氣寒

氣寒者明知身受寒氣口食寒物在表身熱者麻黃桂枝之類寒氣犯腦作痛羌活黑附湯寒氣犯胃作痛草豆蔻丸寒氣在腹作痛作嘔作瀉厥逆者理中湯寒氣在少腹作痛脉沉遲厥冷四逆湯加吳茱萸或理中湯加吳茱萸

羌活黑附湯

明醫抄卷二
方見中寒條
三七

羌活 五分 黑附 炮三分 蒼朮 五分 麻黃 不去根三分

僵蠶 三分 白芷 二分 升麻 二分 防風 二分

黃芪 一錢 黃蘗 酒炒三分 甘草 二分

右剉一劑。水二盞。煎一盞。不拘時服。

草豆蔻丸 治秋冬傷寒冷之物。胃脘當心而痛。上

支兩脇。膈咽不通。

草豆蔻 溼麩裏煨去皮取仁一兩 大麥蘗麩 炒黃色半兩

神麩 炒黃半兩 白朮 炒一兩 黃芩 半兩 枳實 炒黃一兩

半夏 湯泡七次 晒乾半兩 橘皮 一錢 青皮 二錢

乾生薑 二錢 炒鹽 半錢

右為極細末。湯浸蒸餅丸如菜豆大一倍。每服五

十九。白湯下。量所傷多少加減服之。如冬月用別作一藥不用

黃芩歲火不及。又傷冷物。加以溫劑。是其治也。然有

熱物傷者。從權以寒藥治之。隨時之宜。不可不知也。

理中湯 方見中寒條

四逆湯 方見中寒條

達按經云。諸痛皆因於氣。諸病皆生於氣。誠哉斯

月醫書卷二 三

言是氣也。常則為氣導引血液升降三焦周流四體變則為火。有升無降。燔灼中外。以致血液停留。為痰為積。充乎臟腑。溢乎經絡。膠乎咽膈。為咳嘔。為痞塞。為脹滿。為疼痛之所由也。凡遇氣動痛作之時。非辛溫消散不可。然必詳其所起之因。觸動何臟之令。於辛溫藥中。加以苦寒之藥尤佳。如喜動心火。加黃連。怒動肝火。加柴胡。悲動肺火。加黃芩。恐動腎火。加黃蘗。思動脾火。加芍藥之類是也。

○諸血症二

歌血是人身水穀精生於脾胃統於心動言視聽皆資用脉絡形容足壯神陽火煎熬偏易耗陰精有質故難成虛勞咳咯真陰損吐衄多因火載升男子便紅綠溼火女人血熱病崩淋脉孔而瀉知無血色奪神枯是損陰血熱血寒虛與實臨時診候細詳情若緣蓄血生潮熱藥劑斟量及蚤行血因脫損焦薑補熟地歸芩信有靈

論夫血者水穀之精也和調於五臟灑陳於六腑乃

能入於脉也。源源而來。生化於脾。總統於心。藏於肝。宣布於肺。灌溉一身。故目得之而能視。耳得之而能聽。掌得之而能攝。足得之而能履。藏得之而能液。府得之而能氣。所以視聽言動。藏府脉絡。靡不由於血之運用也。故曰。血者神氣也。持之則存。失之則亡。血盛則形盛。血弱則神衰。神靜則陰生。形役則陽亢。注之於脉。少則瀆。充則實。故陽生陰長。取汁變化而為血。內經所謂脉者。血之府也。生化旺則諸經恃此而長養。衰耗竭則百脉由此而

無本書

四物湯并加減法
異本書例
本書無此例

空虛可不謹養哉。蓋血屬陰。難成而易虧。由乎人之節慾者少。不能謹養。以致陽火滋甚。日漸煎熬。真陰內損。而吐衄血妄行於上。便溺血滲泄於下。而精神內損。百病由此而生焉。

脉諸症見血。皆見乳瀆。隨其上下。以驗所出。大凡失血脉貴沉細。設見洪大。後必難治。

四物湯 補血之要藥

當歸 二錢分三治血中主藥也。通肝經。全能活血。各歸其經也。

熟地黃 二錢。血中血藥也。通腎經。能生真陰之虛也。

明醫指掌

卷三

一

川芎

一錢半血中氣藥也通肝經能行血滯於氣也

白芍藥

一錢半陰分藥也通脾經能治血虛腹痛也

右剉一劑。水煎服。○經脉不行。加紅花蘇木。○妊

婦動胎加艾葉香附蘇梗。○血痢加阿膠艾葉。○

口乾煩渴加麥冬烏梅乾葛。○便秘加桃仁大黃。

○大渴煩燥加人參麥冬知母石膏。○五心煩熱。

加黃芩柴胡地骨皮百合。○虛煩不睡加淡竹葉。

石膏人參。○怔忡恍惚加遠志棗仁。

咳血

此條証治無本書

此治方不同於
本書本書
以咳血咯血
統一條此書
分為二條治
法亦不同也

咳血者。火乘金位。肺絡受傷。故血從嗽而出也。丹

溪云。先痰嗽而後見紅者。多是痰積生熱。以降痰

火為急。宜煎桔梗枳殼黃芩橘紅送下。天門冬丸。

先見紅而後痰嗽者。多是陰虛火動。痰不下降。宜

以四物湯加痰藥火藥。

天門冬丸 治咯血吐血潤肺止咳。

天門冬

一兩 阿膠

甘草

貝母

去心 五錢

白茯苓

五錢 杏仁

右為細末。蜜丸如彈子大。噲化。

咯血

此症治同本之大畧不詳

咯血者痰中咯出血疙瘩也。按薛立齋云。此症多因心氣虛耗不能主血。血不歸經停畱於內。故得咯而出。其症面色萎黃。五心煩熱是也。若鬱熱甚者。生地黄散。咯血及痰中血絲者。四物湯加竹瀝薑汁。牛膝童便青黛。虛嗽咯血者。太平丸。勞瘵咯血者。詳本條內。

生地黄散

治痰火鬱結。衄血咯血吐血。陰虛陽亢。

枸杞子

五分

軟柴胡

五分

黃連

炒五分

地骨皮

五分

天門冬

五分

白芍藥

五分

甘草

炒五分

黃芩

炒五分

黃芪

五分

生地黄

五分

熟地黄

五分

太平丸

方見虛勞門

吐血

吐血者嘔出全血是也。達按經云。心主血而不能藏。夜則復歸於肝。肝藏血而不能主。晝則聽令於心。心為君。肝為相。君火一動。相火從之。相火一動。六經之火從之。火動則血隨以動。火升則血隨以升。善調攝者寡慾節勞。常使君火不動。相火隱伏。

異本書
本書以吐
血為一門
此之分為
二門論文
季於本云

火伏則血隨以伏矣。何病之有。惟不知命者。不自量其血氣之強弱。本元之虛實。奔走道路而不憚其勞。縱情女色。而強努其力。以有限之精神。而供無窮之作用。六經受傷。血液流逆。聚於兩脇胸臆之間。乘火而升。其傷重者。從夾脊而上。如潮湧至。勢不可遏。法當從其出。不可強為之禦也。蓋所出之血。皆敗血也。縱能止之。亦不歸經。久當復出。故不可禦。必服以消血之藥。佐以潤下之劑。使其敗血下行。乃服止血之劑。以杜其根。服補血之劑。以

還其元庶可以收全功也。

花蕊石散 方見勞瘵條

四生丸 治吐血衄血。陽乘於陰者。

生荷葉 生艾葉 生栢葉 生地黄 各等分

右研為丸。如雞子大。每服一丸。水煎服。

麥門冬飲子 治氣虛吐血。或血虛不能攝血者。

麥冬 去心 一錢 黃芪 蜜炙 一錢 當歸身 五分 人參 五分

生地黄 五分 五味子 十粒

右剉一劑。水煎服。○血不止。加阿膠。炒蒲黃。白茅

花○兼痰加貝母桔梗。

丹溪方 治嘔血衄血。一切火載血升。上行之症。

四物加山梔童便薑汁。或用韭汁童便相和飲之。

衄血

衄血鼻中出血也。夫氣血調和。則循環經絡。若勞

傷元氣。陰虛火動。氣逆於肺。則血隨鼻而衄也。犀

角地黃湯主之。經云。諸見血身熱。脉大者難治。是

火邪勝也。身涼脉靜者易治。是正氣復也。

犀角地黃湯 治熱鬱不解。泛行經絡。或流湯。隨

不同於本方
本方治方
有救法此
以犀角地黃
湯一方加減統
之

氣湧泄。以致衄血吐血。或為便血。或為蓄血等症。

犀角^上 生地黃^中 芍藥^中 丹皮^下

右剉。水煎溫服。○若活血加桃仁。紅花。○若止血

加黃連。山梔。○止衄加黃芩。茅花。○破瘀血加桃

仁。大黃。用此者。恐桃仁承氣太峻故也。○如吐衄

血甚不止者。用茅根。側柏。藕。三味搗汁。磨京墨入

本方調服即止。○鼻衄不止者。外用劫法。用水紙

搭在鼻衝。隨用山梔炒黑。牡蠣龍骨火煅。京墨百

草霜。共為細末。加血餘燒灰各等分。用茅花水溼

加減法無不
去

田異於本書
本云以便血
滿血為一門
此云治方不
同也

醮藥入鼻中即止如無茅花將紙撚水溼醮前藥末入鼻中甚妙。

便血

便血者大便血也多因飲食起居或六淫七情致傷令元氣虧損陽絡外傷而然也若膏梁積熱者加味清胃散大腸風熱者四物加側柏荆芥秦艽枳殼丹皮柴胡陰結者平胃地榆湯
加味清胃散 即本方加犀角連翹甘草方見火症
加減四物湯 治腸風下血

側柏炒五分 荆芥五分 槐花炒五分 甘草炙五分

枳殼麸炒一錢 生地黃一錢 當歸一錢 川芎一錢

右剉一劑薑一片水煎服○若熱熾甚加山梔黃芩黃連○血不止加升麻秦艽阿膠地榆

平胃地榆湯 治陰統便血即內經所謂結陰者便血一升再結二升三結三升是也

人參八分 白朮八分 茯苓七分 甘草七分

陳皮七分 蒼朮七分 厚朴七分 乾薑炮六分

益智炮六分 附子炮六分 升麻六分 葛根七分

異於本書

地榆 八分 神麴 六分 白芍藥 八分 當歸 八分
右剉一劑薑三片棗二枚水煎服

● 溺血

溺血者小便血也蓋心主血通行經絡循環藏府若得寒則凝澁得熱則妄行失其常道則溢滲於脬而小便出血也不痛小蘊飲不止蒲黃散實者當歸承氣湯後以四物湯加小蘊山梔滑石琥珀虛者膠艾湯

小蘊飲

小蘊 一錢 山梔 一錢 當歸 一錢 生地黄 一錢

滑石 一錢 甘草 八分 蒲黃 一錢 藕節 一錢

淡竹葉 八分 通草 六分

右剉一劑水煎溫服

當歸承氣湯 卽小承湯加當歸 小承氣方見傷食

膠艾湯 卽四物湯加阿膠艾葉炙甘草各一錢

● 瘀血

達按跌撲損傷或被人打踢或物相撞或取閃肭或奔走努力或受困屈或發惱怒一時不覺過至

瘀血症

本書異也 論治皆研行 甫新補也

月及有指掌

卷三

五

半日或一二三日而發者有之十數日或半月一月而發者有之一般寒熱交作其心胸脇下小腹滿痛按之手不可近者此有瘀血也或一時傷重就發寒熱瘀血上衝則昏迷不醒如死之狀良久復甦輕則復元活血湯重則桃仁承氣湯主之量其元氣下其瘀血則愈在上者宜飲韭汁切不可飲冷水血見寒則凝但一絲血入心即死若醫家不識見其寒熱脹滿罔察其痛處若有痛腫手難近按其脉乳瀉或數以明之蓋肝為血海凡有瘀

血必蓄積於心胸脇下或小腹之分乃肝部也心主血肝藏血脾為之流但小便如常者蓄血症也內傷瘀血症必自汗

復元活血湯 治瘀血留於胸脇腹肚疼痛不可忍

柴胡^上 花粉 當歸^中 紅花

甘草^下 大黃^{上酒浸} 穿山甲^炮 桃仁^{中酒浸研如泥}

右用水一盞酒半盞煎一盞加桃仁泥再煎至八分溫服以利為度

桃仁承氣湯 治蓄血脹滿大實大痛手不可近者

此方原書分量等分也邵達以上中下立分量服法亦異本書

此方原書邵達改本書之方外後有新增之

明醫抄卷二
別醫抄卷二
卷三

桃仁 大黃 芒硝 甘草

桂枝 加丹皮 枳殼

芒硝一沸。熱服。取下黑物。○外有熱加柴胡。○在

上加桔梗。中蘇木。○在下加牛膝。○兩脇并小

腹硬滿痛者。加青皮。中川芎。中歸尾。上芍藥。中○

痛甚加玄胡索。紅花。○血未下。加童便薑汁少許。

○血症若頭面身黃者。薑查絹裏擦之。其黃自退

矣。

痰症三

歌水穀消磨。氣血成滋。榮脉絡壯。元精七情。四氣時

衝逆。脾胃旋傷。懶運行。胃口從茲。雷宿飲。致令津

液作痰。凝因而。遂道皆壅塞。却是痰涎。滯在經。或

癢。或麻。或痛。痺。或雷肌膜。結瘤癭。皮間腫痛。燔如

火。心下寒疼。冷似冰流。入脇稍成癰積。行來髀脇

作痠疼。或如綿絮。如梅核。或若桃膠。蜆肉。形吐不

出。而嘔不下。分明鬱積。在於胸。或為喘嗽。心嘈雜

嘔吐。痰涎碧靛。青攻上頭時。眩暈倒。眼瞶口噤。耳

月... 卷三

中鳴咽喉閉塞牙關眩噫氣吞酸嘔逆頻夜臥不安
 安奇怪夢遊風腫痛並無名怔忡健忘時驚怖顛
 走癡呆不識人久瀉形枯腸積垢中風癱瘓失聲
 音女人白帶男兒濁經血愆期赤白淋荏苒做成
 勞瘵病風癩痺癱手攣筋遍身習習如芒刺一線
 寒牽背脊心如斯怪異延纏病都是痰涎裏面生
 論夫人之氣道貴乎清順順則津液流通何痰之有
 也若氣血津液稍有一時不得運行則隧道不通
 凝滯而為痰為飲故有五飲之症生焉蓋痰之為

蓋痰之為
 病非一

一病匪一王隱君備言之然其原有因熱而生痰者
 亦有因痰而生熱者有因風寒暑溼而得者有因
 驚而得者有因氣而得者有因食積而得者有因
 酒飲而得者有脾虛不能運化而生者有腎虛不
 能制火而生者若熱痰則多煩熱風痰多成癱瘓
 奇症冷痰多成滑痺溼痰多倦怠軟弱驚痰多成
 心痛癩疾飲痰多成脇痛臂痛食積痰多成癖塊
 痞滿其為病狀種種難名治法熱痰則清之溼痰
 則燥之風痰則散之鬱痰則開之頑痰則軟之食

積痰則消之。在上者吐之。在中者下之。中氣虛者必固中氣以運痰。腎氣虛者必壯腎水以制火。古方治痰飲類用汗吐下法。此治其標也。若汗下過多損其脾胃則痰易生而轉多誠非王道之治也。莫若以順氣為先。分導次之。又痰生於脾胃宜實脾燥溼使脾胃調和飲食運化而痰自不至。此治其本也。脉偏弦為飲。或沉弦滑。或結乳伏。痰飲中節。

痰飲

脉法無本書

若汗吐下過多
以下三字同
於本書
又痰生於脾胃
已下十字無
本書

本書經文曰：蓋為痰之病非一玉隱者備言之。丹溪以諸病挾痰者甚多故括成歌使後夫子記誦知痰病之所由來也。有此十字

此條治方俱無於本書

痰飲有五。在膈上。瓜蒂散。在腸胃。滾痰丸。在經絡。及四肢皮裏膜外。薑汁竹瀝。在脇下。白芥子。二陳湯。治一身之痰。導痰湯。墜痰丸。抑痰丸。清膈化痰丸。潤下丸。此皆治痰之要藥也。

瓜蒂散 吐痰之聖藥。治在膈上。

瓜蒂 七十五箇 赤小豆 七十五箇
人參 半兩

甘草 三錢

右為末。每用一錢或半錢。空心薑汁湯下。以吐為度。

滾痰丸 墜痰之聖藥。治在胃腸。

大黃

酒蒸 八兩

黃芩

酒洗 八兩

沉香

半兩

礞石

一兩 槌碎 焰硝煨過

右為細末。水丸。梧子大。每服四五十九。量虛實加

減茶清送下。

二陳湯 總治一身之痰。都管藥也。

陳皮

去白 五錢

半夏

泡二 錢半

茯苓

二錢

甘草

一錢

右剉一劑。薑三片。水煎服。○溼痰。加蒼朮白朮。○

寒痰。倍半夏。甚者加麻黃細辛烏附之類。痰厥頭

痛。亦加半夏。○風痰。加南星。枳殼白附子。天麻。殭

蠶牙皂之類。氣虛者。更加竹瀝。氣實。加荆瀝。俱加

薑汁。○熱痰。加黃芩黃連。痰因火盛。逆上。降火為

先。加白朮黃芩軟石膏黃連之類。眩暈嘈雜者。火

動其痰也。加山梔黃芩黃連。○血虛有痰。加天門

冬。知母瓜蒌仁。竹瀝薑汁。滯血者。更加黃芩白芍

藥。桑白皮。血滯不行。中焦有飲者。取竹瀝。加生薑

韭汁。飲三五杯。必胸中燥煩不寧。後愈。○氣虛有

痰。加人參白朮。脾虛者。加白朮白芍。藥神。麩麥芽

升麻。內傷挾痰。加人參黃芪白朮薑汁。傳送。○食

積痰者加神麴麥芽山查炒黃連枳實。○老痰加海石半夏瓜萋仁香附米連翹。

導痰湯

卽二陳湯加南星

二錢薑製

枳殼

二錢去穰

墜痰丸

治痰飲

黑丑

頭末二兩

枳實

炒一兩半

白礬

三錢枯半

朴硝

二錢風化

枳殼

炒一兩半

牙皂

一錢酒炒

右爲末蘿蔔汁丸如桐子大每服五十九雞鳴時

服初則有糞後則有痰。

抑痰丸

瓜萋仁

一兩

半夏

二錢湯泡

貝母

三錢去心

右爲末蒸餅丸如麻子大每服一百丸薑湯送下。

清膈化痰丸

黃連

一兩

黃芩

一兩

黃蘗

半兩

山梔

半兩

香附

一兩半

蒼朮

二兩

右爲末蒸餅丸如菜豆大白湯送下。

潤下丸

降痰甚妙

南星

一兩

半夏

二兩各依

黃芩

一兩

黃連

一兩

甘草

炙一兩

橘紅

半斤

以水化鹽五錢

拌令得所煮乾烘燥

此條異本
書疎也
本書大卷
共法密也

右為末。蒸餅丸如菘豆大。每服五七十九。白湯下。

風痰

風痰多見半身不遂。口眼喎邪。筋攣語澁。顛狂麻痺。眩暈之病。天麻白附子牛黃膽星薑製半夏牙皂僵蠶天竺黃治之。丹溪以竹瀝入痰藥化風痰。以稀涎散吐風痰。

稀涎散

方見中風條

溼痰

肥人多溼多痰。蓋溼勝則生痰。故溼多見倦怠痰

弱泄痢腫脹之症。蒼朮白朮南星半夏海粉陳皮。

溼痰之要藥也。青礞石丸最能消食積。化溼痰。若

溼痰甚喘急者。千緡湯。白濁因溼痰者。珍珠粉丸。

溼痰兼風熱。中和丸。星夏蛤粉丸。最燥溼痰。

此下本書小冒丹溼痰甚物七字

青礞石丸

風化硝

提淨三錢冬月袋盛風化

青礞石

搗碎五錢焰硝等分同煨金色另研

南星

五錢

半夏

五錢

茯苓

五錢

黃芩

五錢

右為末。神麴糊丸。梧子大。每服三五十九。白湯下。

千緡湯

方見喘條

珍珠粉丸

方見白濁條

中和丸 治溼熱氣痰

蒼朮

黃芩

半夏

香附

各等分

右爲末。粥糊丸如桐子大。每服五七十九。薑湯下。

星夏蛤粉丸

燥溼痰亦治白濁因痰者。

南星

一兩

半夏

一兩

青黛

一兩

蒼朮

一兩

蛤粉 二兩

右爲末。神麴糊丸桐子大。每服五七十九。薑湯下。

● 火痰

此論久大田本

已下百五十五字無本

火痰者。痰因火盛也。蓋痰卽有形之火。火卽無形之痰。未有有痰而無火。未有有火而無痰者也。痰少則能養胃。火少則能健脾。痰勝則泛濫洋溢。以生諸病。火勝則煎熬攻擊。以生諸病。痰隨火而升降。火領痰而橫行。火者助痰爲虛之賊也。然亦各有所借。火借氣於五臟。而勢始盛。痰借液於五味。而形乃成。氣有餘則化爲火。液有餘則化爲痰。氣能發火。火能役痰。故治痰者必降其火。治火者必順其氣也。治火之藥如芩連白朮。青黛。軟石膏等。

火降然後治痰。眩暈嘈雜者。是火動其痰也。二陳加苓連山梔。噫氣吞酸者。是痰因火上逆也。茱連丸。或二陳加南星。苓連青黛。火盛生痰者。潤下丸。痰稠濁吐咯不出者。是火鬱其痰。清膈化痰丸。梔子金花丸。主之。

朱連丸 方見火條

梔子金花丸 方見火條

●食積痰

肝胃受傷。清氣陷下。飲食不化。痰易生而多者。積

實白朮麴蘖半夏陳皮茯苓之類。是治其本也。或枳朮丸加橘半麴蘖。脾胃虛者。六君子加升麻提。起。內傷挾痰者。必用黃芪白朮陳皮半夏薑汁竹。瀝傳送。食積痰實者。墜痰丸。若虛煎補氣藥送下。食積痰飲喘急者。黃瓜萋丸。或青礞石丸。

枳朮丸 方見內傷條

此下本書。有食積痰。飲最效。宜在凡。化十字。

六君子湯 卽四君子湯加陳皮半夏 方見脾胃條

黃瓜萋丸

瓜萋仁 半夏 薑製 山查 神麴 炒各等分

右為末。瓜萋水丸如菜豆大。薑湯竹瀝送下。二十九。

青礞石丸 方見前溼痰

●老痰 附鬱痰

老痰者積久稠粘。咯吐不出。惟在開其鬱降其火。順其氣軟其堅。化凝結之痰。緩以治之。庶可取效。故宜海石香附瓜萋半夏貝母芒硝桔梗五倍子之類。王汝言化痰丸潤下丸。青礞石丸皆能治老痰也。○鬱痰吐咯不出者。以苦梗開之。或用二陳

湯探吐。鷲翎攪去其痰。或用鹽湯探吐。

王汝言化痰丸

天門冬 一兩 黃芩 一兩 酒炒 海粉 一兩 另研 瓜萋仁 另研

橘紅 一兩 桔梗 五錢 連翹 五錢 香附 鹽水浸周時炒 五錢

青黛 另研 芒硝 另研 三錢 風化用

右為極細末。煉蜜入薑汁少許。丸如小圓眼大。噙化。一丸。或嚼爛清湯細嚥下。或丸如黍米大。淡薑湯送下。五十九。

憂 鬱 鬱

○鬱症四

歌氣血冲和安有患若還抑鬱病相尋溼痰氣血熱

兼食六鬱之形體認真

論夫人之氣血冲和百病不生一有抑鬱諸病生焉

故人之諸病多生於六鬱蓋鬱者結聚而不發越

之謂當升不升當降不降當變化不得變化所以

傳化失常而六鬱之病生焉六鬱者氣血溼熱食

痰所鬱也而其狀不一開具於左蓋諸鬱之脉皆

沉沉則為鬱故也但其兼芤瀉數緊滑緩之不同

耳丹溪云病之屬鬱者常八九看所挾以開導之可也故製越鞠丸通療之

越鞠丸 一名芎朮丸

蒼朮 香附 撫芎 神麴

梔子 各等分

右爲末水丸如菉豆大溫水下每服五錢

●氣鬱

其狀胸滿脇肋脹痛脉沉而澀用二陳湯加香附撫芎蒼朮氣鬱者加枳實厚朴砂仁山柎青皮木

香之類

二陳湯 方見痰症條

●溼鬱

其狀周身走痛或關節痛遇陰寒則發脉沉而細緩身體重頭重痛是也白芷蒼朮川芎茯苓香附或升陽除溼湯主之

升陽除溼湯 方見溼症條

●血鬱

其狀四肢無力能食便血脉澀而芤四物湯加桃

仁紅花青黛撫芎香附或子和越麴丸合四物湯治之。

已下六字無本書

四物湯

方見血症條

子和越鞠丸

桃仁

去皮尖

紅花

香附

醋製

撫芎

青黛

各等分

右為末水丸如梧子大每服四五十九白湯送下。

●痰鬱

其狀動則喘寸口脈沉而滑二陳湯加海石南星

香附瓜蒌仁半夏或王汝言化痰丸潤下丸

二陳湯

方見痰症條

王汝言化痰丸

方見痰症條

潤下丸

方見痰症條

●火鬱

其狀瞖悶小便赤澀脈沉而數骨髓中熱肌痺熱捫之烙手逍遙散加山梔香附青黛撫芎貝母蒼朮或火鬱湯

逍遙散

方見火症條

保和丸以下十
五字異本
書

火鬱湯 方見火症條

食鬱

其狀噯酸胸滿腹脹不能食或嘔酸水惡聞食氣
人迎脉平和氣口脉緊盛或沉緩而大保和丸加
枳實麥芽砂仁香附之類

保和丸 方見傷食條

達按氣血痰三病 有兼鬱者或鬱久而生病或
病久而成鬱雖則氣用四君血用四物痰用二陳
必以開鬱藥佐之是得治法之大要也

○發熱症五

歌外感內傷皆發熱陽虛陰虛良有說火鬱發熱自

不同煩熱骨蒸須審別

論夫外感發熱則人迎脉盛有表症翕翕發熱噦噦

然熱明知其熱在外也汗之而止內傷飲食發熱

者氣口脉緊盛胸滿噫氣蒸蒸然熱明知其熱在

裏也消導則止勞役內傷發熱者脉虛而弱四

肢怠惰無力不惡寒自汗出明知其無表裏症虛

熱也補養則熱退陽虛發熱者不任風寒自汗脉

大而無方。陰虛發熱者。脉數而無方。作於下午陰夜。分鬱熱者。手足心熱。肌膚不甚熱。熱不神越也。煩熱者。即虛煩躁熱也。勞熱者。其熱在骨。骨蒸熱是也。若此者。表裏虛實之迥別。臨症當明辨也。

●外感發熱

外感寒邪。無汗惡寒。麻黃湯。感風邪。汗惡風。桂枝湯。時暴感風寒。參蘇飲。
此終本書有表裏小塔胡湯在裏大塔胡湯十三字

麻黃湯

麻黃 上

桂枝 中

甘草 下

杏仁 中

此方本書外集四十二卷出矣只云水煎服取汗無多矣以可為正此書訂補印及後可也

右用薑二片。葱白頭連鬚二枚。水二盞。煎一盞服。

桂枝湯

方見惡寒條

參蘇飲

方見傷風條

●內傷發熱

內傷飲食發熱者。柴胡二陳湯。加枳實山查神麴。勞倦內傷發熱者。補中益氣湯。挾外邪者。本方加羌活。房勞內傷發熱者。前方加知母黃蘗。飲酒內傷發熱者。葛花解醒湯。

柴胡二陳湯

即二陳湯加柴胡

方見痰症條

以下十九字訂補無指為用

補中益氣湯

方見內傷條

葛花解醒湯

方見內傷條

陰陽虛熱

附鬱熱勞熱

陰虛發熱者。四物湯加知母黃芩柴胡。氣虛再加

參芪。陽虛發熱者。小建中湯。○鬱熱者。升陽散火

湯。○勞熱者。作於陰分。多骨蒸內熱。逍遙散。地骨

皮散。

四物湯

方見血症條

小建中湯

方見惡寒條

升陽散火湯

方見火症條

逍遙散

方見火症條

今案：脫落而無。症條故採乃方。下云：畫於火症之上。曾。

地骨皮散

治虛勞發熱咳嗽。

地骨皮

上

柴胡

中

知母

中

人參

中

茯苓

中

甘草

中

半夏

下此一味性燥恐難用。不若以貝母代之。

右剉一劑。水二盞。煎至一盞。加生薑自然汁五匙。

稍熱服。

○惡寒症六

歌惡寒由是六陽虛振慄憎寒火有餘外感脉浮頭
項痛肺虛洒淅更何疑

論夫惡寒有陽虛腠理疎泄不任風寒必自汗多也
有火盛甚反兼水化制乏故振慄惡寒也有外感
風寒之邪則有表証脉浮頭痛發熱有肺受火尅
虛而失所司則洒淅惡寒也有表氣虛不能固腠
理或汗多故也仲景云發熱惡寒發於陽也無熱
惡寒發於陰也此陰陽虛實之理判然明矣

表虛

表虛必自汗多。惡寒者。桂枝湯。汗多表虛不能護衛。脉弱惡風寒。黃芪建中湯。

桂枝湯

桂枝^上

芍藥^中

甘草^下

右生薑三片。大棗二枚。水二盞。煎至一盞。稍溫服。

小建中湯

即桂枝湯加飴糖一合。

黃芪建中湯

即桂枝湯加黃芪等分。

陽虛

陽虛不任風寒。體弱脉虛而惡寒者。四君子湯倍

加黃芪。桂枝。虛甚者再加熟附子二三片。或黃芪

建中湯加附子。

四君子湯

方見脾胃條

火盛

火盛甚者。反惡寒。非寒也。迺亢極反兼。水化制之。

四物湯加黃芪。黃蘗。黃連。火降寒自已。

四物湯

方見血症條

衛不和

氣為衛主衛護皮毛。溫分肉實腠理。衛不和則腠理不固而惡寒者。調中益氣湯倍加黃芪桂枝。

調中益氣湯

方見氣痛條
見內傷條

●外感

外感風寒無汗發熱惡寒麻黃湯。有汗惡風桂枝湯。平時感寒邪惡寒發熱者香蘇散。

麻黃湯

方見發熱條

香蘇散

香附上

蘇葉上

陳皮中

甘草下

右剉一劑。生薑二片。棗二枚。水二盞煎八分。熱服。

○加川芎白芷名芎芷香蘇散。

●肺病

肺受火邪而失所司不能固腠理。洒淅惡寒者。甘

桔湯。加酒黃芩。山梔麥門冬五味子酸棗仁。

甘桔湯

甘草

桔梗

等分

右用水煎服。

○傷風症七

歌頭疼聲重外傷風咳嗽憎寒鼻不通若是重衣兼厚被肺因壅熱內生風

論肺主皮毛司腠理開闔然氣衛於外雖有風寒不能為害若元氣稍虛不能衛護皮毛則腠理疎泄風邪因得而侵之內舍於肺故頭疼聲重鼻塞流涕憎寒壯熱咳嗽咽乾之症現焉此外因於風也若平素內火熾盛乘尅肺金或因重衣厚被壅熱於上熱極則生風亦有聲重鼻塞咳嗽咽乾音啞

之症形焉。此非外來之風。內因也。因外感者。以辛涼辛溫之劑發散之。因內受者。火甚生風也。以辛涼寒苦兼升散之劑解之。不可執一治也。

●外感

外感風邪。皮毛腠理先受。內舍於肺。風邪束於外。內熱不泄。上炎於肺。故鼻塞聲重。頭目不清而痛。咳嗽流涕。惡風。輕則參蘇飲。重則十神湯。寒月無汗。用麻黃湯。有汗。桂枝湯。

參蘇飲有三方易簡方同下股所

參蘇飲

治感冒風寒。胸脇滿悶。咳嗽。頭疼。身重吐

此訂補方。三因痰飲。方而無苦根。若里

痰。或中脘停痰。憎寒壯熱。狀如傷寒。用此湯。

人參 上

蘇葉 上

枳殼 中

桔梗 中

陳皮 中

前胡 中

半夏 下

甘草 下

木香 中

茯苓 中

右用薑三片。水煎服。○天寒感冒。惡寒無汗。鼻塞聲重。咳嗽者。加麻黃杏仁金沸草汗之。○若天氣和煖。傷風咳嗽有痰者。去木香。加桑白皮杏仁。○內有痰熱。加片苓。○若胸滿痰多者。加瓜蒌仁貝母。去半夏。○若痰唾如膠者。加金沸草。○若氣急

△減法無米書新增

喘不止者。加貝母蘇子杏仁五味子。去蘇葉。○肺寒咳嗽。加乾薑五味子。○若熱咳嗽。加片苓麥冬。荆芥。去半夏木香。○若心下痞滿而嗽。加枳實黃連。○若胸中煩熱或停滯酒不散。或嘈雜惡心。亦加黃連枳實。再加乾葛陳皮烏梅。去木香蘇葉。○煩躁不寧加辰砂。○表有熱。加柴胡。裏有熱。加苓連。○頭痛咳嗽。加細辛。

十神湯 治時令不正。瘟疫妄行。感冒發熱。或欲出疹。此藥不問陰陽兩感風寒。並皆治之。

川芎 一錢 甘艸 炙七分 麻黃 一錢 乾葛 一錢

蘇葉 一錢 升麻 一錢 赤芍藥 八分 白芷 一錢

陳皮 一錢 香附 一錢

右剉一劑。生薑三片。水煎服。○如發熱頭痛。加連鬚葱白。○中滿氣實。加枳殼桔梗。○天氣和煖。加黃芩。去麻黃。

麻黃湯 方見發熱條

桂枝湯 方見惡寒條

●內受

上焦原有痰火熾盛。肺為火爍。又因衣被厚重。上焦熱壅。肺經受傷。雖無外邪。風熱內盛。亦有鼻塞聲重。音啞。頭目不清。鼻流清涕。咳嗽之症。防風通聖散消風百解散主之。

防風通聖散

方見中風條

消風百解散

荆芥 上

白芷 中

陳皮 上去

麻黃 中去

蒼朮 中

甘艸 下

右用葱白生薑煎服。○如咳嗽。加烏梅。

川芎茶調散

治諸風上攻。頭目昏重。鼻塞。聲壅。及

偏止頭疼

薄荷 上

川芎 次

羌活 中

甘艸 中

白芷 中

防風 下

荆芥 次

右為細末。每服二錢。食後茶清調下。○頭痛倍川芎羌活。加細辛。○咳嗽痰多加前胡金沸草。

此一方邵氏附入。無本書

○咳嗽症八

歌咳嗽多因動溼痰內因鬱火外風寒陰虛乾嗽成
勞瘵肺脹須知療最難

論夫肺居至高之上主持諸氣屬金而畏火者也清
虛高潔覆蓋五臟乾金之象外主皮毛司腠理開
闔衛護一身如天之覆物體之至輕清者也或外
因六淫之邪相侵內因七情之氣相忤則肺金受
傷而清純之氣擾亂妄動為火為痰故咳嗽之病
從茲作矣故咳嗽有風寒暑溼之邪傷肺者必顯

月

三

三

形症於外。此外因也。有火鬱於肺而嗽者。有聲而無痰是也。有溼痰嗽者。痰出嗽止是也。有陰虛而嗽者。其氣從下而上。多重於夜分是也。有肺脹而嗽者。動則喘急。息重是也。有勞嗽者。乾咳聲啞。痰中有紅絲血點是也。有因嗽而成肺痿肺癰者。則雲門中府痛吐咯膿血臭穢不可近是也。因外感者。注之發之火者。清之降之。痰者。豁之導之。鬱者。開之。虛者。補之。實者。瀉之。燥者。潤之。務令肺氣平和。不使火邪乘尅。而嗽自止矣。大抵肺位最高。鍼石不能及。藥餌不能到。惟桔梗能舟楫諸藥入肺。藥須臨臥時。細細嚥下。則能入肺經也。

△本書無脈法

脉 咳嗽所因。浮風緊寒。數熱細溼。房勞瀆難。右關濡者。飲食傷脾。左關弦短。疲極肝衰。浮短肺傷。法當咳嗽。五臟之嗽。各視本部。浮緊虛寒。沉數實熱。洪滑多痰。弦濇少血。形盛脉細。不足以息。沉小伏匿。皆是死脉。惟有浮大。而嗽者生。外症內脉。參考秤停。

●痰嗽

月醫指掌

卷三

七

痰嗽者嗽動有聲有痰。痰出嗽止是也。不可一味苦寒折之。宜千緡湯。墜痰丸。利膈化痰丸之類。積痰嗽者。非青黛瓜萇不除。食積痰飲作嗽。半夏南星蘿蔔子石礪瓜萇之類。痰因火動。逆上作嗽者。先治火。黃蘗知母山梔芩連之類。後用瓜萇青黛貝母海石天花粉之類治痰。若鬱於肺經作嗽。胸滿涎多。二陳加枳殼桔梗瓜萇黃芩桑皮杏仁前胡山梔南星貝母。

千緡湯

方見喘症條

墜痰丸

方見痰症條

利膈化痰丸

方見痰症條

二陳湯

方見痰症條

火嗽

夏月嗽是火炎上最重。芩連山梔治之。上半日嗽多是胃中有火。貝母石膏瀉胃火。午後嗽多是陰虛火盛。四物湯加知母黃蘗麥門冬五味子。或六味地黃丸尤為要藥。黃昏嗽多是火浮於肺。五味子五倍子歛而降之。不宜涼劑。五更嗽多是胃中

火邪併食飲流入於肺以知母地骨皮降肺火火鬱於肺有聲無痰者用苦梗開之後以四物湯加山梔黃芩竹瀝薑汁火嗽痰多者陳加貝母瓜蒌青黛山梔黃芩桑皮去半夏

四物湯

方見血症條

六味地黃丸

方見虛損條

瀉白散

治火鬱於肺而嗽者

方見火症條

貝母散

治火嗽痰嗽多日不愈者

貝母

去心一錢

桑白皮

一錢

五味子

十粒

甘草

五分

知母

二分

款冬花

一錢五分

杏仁

一錢去尖

右剉一劑薑三片水二盞煎八分溫服

外因

冬月嗽是風寒外來參蘇飲加桑皮杏仁取汗後用半夏等藥逐痰必不再發寒邪傷肺而嗽者陳湯加麻黃杏仁桔梗或金沸艸散久嗽風入肺煙筒吸之傷風熱嗽者消風百解散寒熱往來而嗽者小柴胡湯

參蘇飲

方見傷風

金沸艸散 治肺經受風頭目昏疼咳嗽聲重痰吐稠粘。

旋覆花

上

荆芥

中

前胡

中

白芍藥

中

甘艸

下

麻黃

下

半夏

下

右薑水煎服。○胸中滿悶加枳殼桔梗。○有熱加黃芩柴胡。○頭痛加川芎。

消風百解散

方見傷風條

小柴胡湯

方見瘧疾條

●肺脹

肺脹嗽者或左或右不得眠動則喘急息重此痰挾瘀血宜養血以流動乎氣降火疎肝以清其痰。四物湯加桃仁紅花訶子青皮竹瀝薑汁肺脹不得臥者難治。

四物湯

方見血症條

●肺痿

附肺虛肺燥勞嗽

咳嗽有濁唾涎沫或咳嗽唾中有紅絲膿血或胸膈間有竅口中所咳膿血與竅相應而出名曰肺痿其寸脉數而虛澀者是也治法在乎養血養肺。

此條
今此訂
補別立條
方劑論示
本書別
於咳門

本書
肺癰
肺痿
咳
嗽
口

養氣清金。以人參黃芪當歸補氣血之劑。佐以退熱排膿等藥。○肺虛者。人參款花膏。發熱自汗。肺氣喘急。寧肺湯。○肺燥者。桔梗大力子知母雞子清潤之。○勞嗽者。詳本條內。

紫苑散 增 治咳嗽唾中有膿血。虛勞症。肺痿變癰。

人參 一錢 紫苑 五分 知母 一錢 貝母 一錢

桔梗 一錢 甘艸 五分 五味子 十粒 茯苓 一錢

阿膠 蛤粉炒成 珠五分

右剉一劑。水二盞。薑一片。煎八分。溫服。

劫勞散 增 治心腎俱虛。勞嗽二三聲。無痰。遇夜發熱。

熱過即冷。時有盜汗。四肢倦怠。體劣黃瘦。飲食減少。夜臥恍惚。神氣不寧。睡多異夢。此藥能治微嗽。唾中有紅絲。名曰肺痿。若不治。便成羸劣之疾。

白芍藥 一錢 黃芪 一錢 甘艸 一錢 人參 一錢

白茯苓 一錢 熟地黃 二錢 當歸 半錢 五味子 一錢

阿膠 一錢 半夏 湯泡 二分

右剉一劑。薑三片。棗二枚。水二盞。煎一盞。溫服。

人參款苑膏 增 治勞虛冷嗽

款冬花

一兩

人參

一兩

北五味

一兩

紫苑

洗去梗 一兩

桑白皮

一兩

右為末。煉蜜丸如芡實大。每服細嚼薑湯送下

寧肺湯 治榮衛俱虛發熱自汗喘急咳唾等症

人參

一錢

當歸

一錢

白朮

八分

熟地黃

一錢

川芎

三分

白芍藥

一錢

甘草

炙八分

五味子

十粒

麥門冬

一錢

桑白皮

一錢

白茯苓

八分

阿膠

蛤粉炒 一錢

右剉一劑薑三片水二盞煎八分溫服

肺癰

此條本書別立門此書附於咳嗽門論異於本書

肺癰者口中辟辟燥欬即胸中隱隱痛名曰肺癰

欬傷肺葉而成也用太乙膏成丸食後服或桔梗

湯主之肺癰已破入風者不治脉訣舉要曰寸數

而實肺癰已成寸數虛瀆肺痿之形肺癰色白脉

宜短瀆死者浮大不白而赤

桔梗湯 治肺癰咳嗽膿血咽喉多渴大小便赤瀆

桔梗

五分

貝母

去心 五分

當歸

酒浸 五分

瓜蒌仁

五分

枳殼

炒五分

薏苡仁

五分

桑白皮

蜜炙 五分

防已

五分

黃芪

四分

甘艸節

二分

杏仁

去皮尖 炒二分

百合蒸二分大便閉加大黃小便赤加木通

右剉一劑生薑三片水二盞煎八分溫服。

一方治肺癰吐膿

桔梗炒一兩甘艸炙半兩

右每服一兩水一鍾半煎八分空心服吐盡膿為

效後用黃芪散

黃芪散

用黃芪蜜炙為末每服一大匙食後黃芪湯下

○喘症九

歌氣喘無痰呼吸粗擡肩擷肚胃家虛火炎上喘時

輕重痰喘喉中聲韻呼短氣自然無接續補虛瀉

實勿糲糊

論夫肺為五臟華蓋主持諸氣所以通榮衛統脈絡

合陰陽升降出入營連不息循環無端無過不及

何喘之有其或肺氣有所受傷呼吸之息不得宣

通則喘病生焉氣喘者呼吸急促而無痰聲痰喘

者動作便有痰聲火喘者乍進乍退得食則減食

已則發此有餘之喘也。胃虛喘者擡肩擗肚喘而不休。此不足之喘也。若肺氣太虛，氣不能布息，呼吸不相接續，出多入少，名曰短氣。此虛之極也。若氣欲絕者，則汗出如油，喘而不休，此六陽氣脫也。不治。

脉滑而手足溫者，生。脉沉澹而四肢寒者，死。數者亦死。為其形損故也。

●痰喘

風痰上逆而喘者，千緡湯。或導痰湯。痰喘者，先降

氣。氣降則痰自清。四磨湯。定肺湯。

千緡湯

半夏 七筒 泡每筒切四片

皂莢 一寸 炙去皮弦

甘艸 炙 一方合導痰湯服。一方加雄黃。

右作一劑。水二盞。生薑一片煎至八分。溫服。

導痰湯 方見痰症條

定肺湯 治上氣喘急。

紫苑 五味子 橘紅 甘艸 炙

蘇子 炒 杏仁 去皮尖炒 桑白皮 炒 半夏 製

此方無本

枳殼炒 紫蘇葉各等分

右用生薑五片。水二盞。煎一盞服。○喘甚加葶藶。○痰多加瓜蒌仁。

四磨湯 治七情鬱結。上氣喘急。

人參 檳榔 沉香 烏藥各一錢 濃磨汁

右取水七分。煎一二沸。溫服。

氣喘

氣上逆而喘。蘇子降氣湯。氣實因服補氣藥而喘者。三拗湯。上氣而喘者。神秘湯。

蘇子降氣湯 治虛陽上攻。氣不升降。上盛下虛。

蘇子一錢 半夏麴一錢 陳皮去白七分 厚朴薑汁拌炒五分
前胡五分 當歸五分 肉桂三分 甘艸三分

一右剉一劑。薑三片。水二鍾。煎八分。空心服。

三拗湯 治感冒風寒。鼻塞聲重。語言懶出。咳嗽喘急。外感客邪有餘之症。

生甘艸 麻黃不去節 杏仁去皮尖 各等分

右用生薑五片。水二盞。煎一盞。溫服得汗出為度。

神秘湯 治上氣喘急。不得臥者。

橘紅

桔梗

紫蘇

五味子

人參 各等分

右每服四錢。水二盞。煎八分。食前服。

●火炎上喘

火炎上喘者。枳桔二陳湯。加芩連山梔。陰虛火盛。

自臍下上冲而喘。四物湯。加知母黃蘗麥門冬五

味子。或六味丸料服之。

本書有知母黃芩麥門冬五味子六字

枳桔二陳湯

即二陳加枳殼桔梗

方見痰症條

四物湯

方見血症條

六味丸

方見虛損

●胃虛喘

胃虛而喘。五味子湯。加白朮。久病喘者。氣虛也。氣

不接續。生脉散。加阿膠白朮陳皮。

本書作白朮

五味子湯

五味子

九粒

人參

一錢

麥門冬

八分

杏仁

八分

陳皮

一錢

生薑

三片

大棗

二枚

右剉一劑。水二盞。煎八分。溫服。

生脉散

明醫指掌 卷三 男

人參 一錢 麥門冬 一錢 五味子 十粒
右用水一盞半煎七分服。

●附哮喘

哮喘者內有痰熱而寒包之必須薄滋味用二陳湯加蒼朮黃芩或麻黃湯加紫蘇半夏枳殼桔梗黃芩天寒時再加桂枝以溫散之。

二陳湯 方見痰症條

麻黃湯 方見發熱條

訂補明醫指掌卷之三

本書有短氣條其有治方此書無之代以附哮喘條大為異

訂補明醫指掌卷之四

仁和雲洲皇甫中編輯
長洲念山邵從臯校訂
男 繩山邵達參補

○內傷一

歌飲食勞形是內傷或因饑飽過行房其形即與傷寒似誤汗令人病臥牀

論夫飲食勞役之證當補而不當瀉外感風寒客邪當瀉而不當補二堵若霄壤之不侔內傷之證亦

東垣曰下
異於本書

有頭痛發熱之候粗土多作外感治之。大發其汗。其誤甚矣。禍不旋踵。東垣云。人迎脉大於氣口為外傷。氣口脉大於人迎為內傷。外傷則寒熱齊作。而無間。內傷則寒熱間作而不齊。外傷惡寒。雖近烈火不除。內傷惡寒得就溫煖則解。外傷惡風。乃不禁一切風。內傷惡風。惟惡此少賊風。外傷證顯在鼻。故鼻氣不利。而壅盛有力。內傷證顯在口。故口不知味。而腹中不和。外傷則邪氣有餘。故發言壯厲。且先輕而後重。內傷則元氣不足。故出言懶。

怯。且先重而後輕。外傷手背熱。手心不熱。內傷手心熱。手背不熱。內傷頭痛。時作時止。外傷頭痛。常有之。直須傳裏方罷。內傷則急情嗜臥。四肢不收。外傷則得病之日。即著牀枕。非扶不起。筋攣骨痛。外傷不能食。然口則知味而不惡食。內傷則惡食。而口不知味。外傷三日以後。穀消水去。邪氣傳裏。必渴。內傷則邪氣在血脉中。有餘。故不渴。若饑餓。內傷房勞太過。比之內傷。飲食尤為不足。中氣不足。當大補回陽。猶恐或遲。若誤作外感治。重發。

脈法無本云

其汗寧不死歟

脈內傷勞役。豁大不禁。若損胃氣。隱而難尋。內傷冷食。滑疾而沉。內傷熱食。數大濇侵。

●過食傷

飲食過傷。保和丸。麴蘖枳木丸。傷熱物。三黃枳實

湯。傷冷物。木香見睨丸。

本書有木香燻飯丸

保和丸 方見傷食

麴蘖枳木丸 方見脾胃

三黃枳實湯 方見傷食

木香見睨丸 方見傷食

●饑餓傷

年饑缺食。或多事餓久。致傷脾胃。元氣弱。四君子湯。或黃耆建中湯。或補中益氣湯。加山藥。去柴胡。四君子湯。治脾胃虛弱。飲食少思。或大便不實。體瘦面黃。或胸膈虛痞。痰嗽吞酸。或脾胃虛弱。善患瘡痢等證。

人參 去蘆 白朮 去蘆 茯苓 去皮各二錢 甘草 炙一錢

右剉一劑。生薑三片。大棗一枚。水煎溫服。○加陳

皮名異攻散。再加半夏。名六君子湯。

黃耆建中湯 治汗多亡陽。尺脉虛弱者用之。

黃耆 上

芍藥 中

桂枝 中

甘草 下

右水薑煎。臨服加膠飴。○元氣虛甚。加人參。

●勞役內傷

負重作勞。致傷元氣。補中益氣湯。調中益氣湯。或黃耆建中湯。六君子湯。勞者溫之。非溫熱藥也。宜溫養之謂也。夏月勞碌內傷。復冒暑汗泄。虛弱脉微者。清暑益氣湯。
色下字字無本書

補中益氣湯

治形神勞役。并飲食失節。勞倦虛損。

身熱而煩。脉洪大而虛。頭痛。或惡寒而渴。自汗無力。氣高而喘。

黃耆

蜜炙 一人

人參

錢一

甘草

炙五

歸身

酒洗 一錢

陳皮

不去白 五分

白朮

五分

柴胡

三分

升麻

三分

右剉一劑。生薑三片。大棗二枚。水煎溫服。○按經

曰。五味入口。甘先入脾。是方參耆歸朮甘草。皆甘

物也。故可以入脾而補中氣。中氣者。脾胃之氣也。

升麻引胃氣上騰。而復其本位。柴胡引少陽之氣

已下假法
皆即達附
之無誤中
去

上行。而助春升之令也。用陳皮者。一能疏通脾胃。一能行甘溫之滯也。○如汗多。去升柴。加酸棗仁。夜間不寐。亦如之。○頭疼。加蔓荊子。川芎。○如善噓者。乃腠理不密。外邪所搏。加白芷。川芎。○如腦痛。或巔頂痛。加藁本。細辛。○如口乾或渴。加葛根。○有痰。加貝母。前胡。○泄瀉。加白芍。澤瀉。茯苓。○心胸覺痞悶。去黃耆。升麻。柴胡。加枳實。薑炒黃連。○如嗽。加桑白皮。五味子。○如用心太過。神思不寧。或怔忡驚悸。加茯神。遠志。酸棗仁。石菖蒲。栝子。

仁。○如飲食少。或傷飲食。加神麴。麥芽。山楂。枳實。○如胃中濕痰。加半夏。○如大病後。元氣未復。而胸滿氣短者。加橘皮。枳實。白芍。○如有熱。加苓連。

調中益氣湯 治證同前

即補中益氣湯去歸身白朮。加蒼朮。黃栢木香。

六君子湯

即四君子加陳皮半夏。薑棗煎服。

清暑益氣湯 治長夏濕熱蒸人。人感之。四肢困倦。

精神減少。懶於動作。胸滿氣促。肢節疼痛。或氣高。

元角案 謂中
益氣湯
蘭室秘藏方
有黃栢無木
香脾胃論方
有木香無黃
栢此書合三方
為一故有黃
栢木香耳是
字于下大非即
達

而喘。身熱而煩。心下膨悶。小便黃而數。大便澹而頻。或利或渴。不思飲食。自汗體虛。

黃耆蜜炒

蒼朮米泔製

升麻各一錢

人參

白朮土炒

陳皮炒

神麴炒

澤瀉

黃柏酒炒

當歸

青皮穰去

麥門冬去心

乾葛

甘草各三分

五味子九粒

右剉一劑。水煎溫服。

●房勞內傷

強力入房。致傷元氣。自汗乏力。人參養榮湯。十全

大補湯。因而陽脫者。三建湯。急灸關元氣海百壯。可復元。

人參養榮湯

治積勞虛損。氣血虧。肌肉削。四肢怠惰

人參

黃耆蜜炙

陳皮

白芍藥酒炒

當歸酒洗

甘草炙

白朮

五味子

遠志

白朮

桂心

熟地黃

右薑棗煎服。

十全大補湯

卽八珍湯加黃耆肉桂

三建湯

方見中寒

飲酒內傷

酒乃無形之物。大熱有毒。多飲則傷胃嘔吐。葛花解醒湯。縱飲熱酒。煩躁。中酒毒。黃連解毒湯。主之。葛花解醒湯。治飲酒太過。嘔吐痰逆。心神煩亂。胸膈痞塞。手足戰搖。飲食減少。小便不利。

葛花

砂仁

木香

白豆蔻

人參

茯苓

陳皮

各五分

神麴

炒

白朮

炒

青皮

澤瀉

乾生薑

各三分

此條下少異於本云可校考。本云。解毒湯下有。傷酒嘔吐。醉。字。無。此。本。

按葛花性寒。能解中酒之毒。澤茯苓味淡。能利中酒之濕。砂仁豆蔻木香。青陳之辛。能行酒食之滯。生薑開胃止嘔。神麴消磨炙膩。而人參白朮之甘。所以益被傷之元氣焉。

黃連解毒湯

方見火證

○瘧疾二

歌瘧疾由來匪一端六經五臟有形參連朝間自知
 深淺陽分邪輕陰分難風暑感入從外至內因食
 積與停痰汗多汗少求虛實弦數弦遲定熱寒實
 可祛邪行截法虛宜養正自痊安先寒後熱名寒
 瘧但熱無寒號曰癘溫瘧從來先作熱若還暑瘧
 汗漫漫山嵐瘴癘宜祛逐瘵瘧休吞鬼哭丹
 論內經云夏暑汗不出者秋成風瘧又云夏傷於暑
 秋必瘵瘧蓋邪氣客於風府陰陽上下交爭虛實

更作邪併於巨陽則陰實陽虛故寒作邪併於陽
明則陽實陰虛故熱作此陰陽相移也邪氣舍於
皮膚與衛氣居衛氣者日行於陽夜行於陰此氣
得陽而外出得陰而內薄是以日作此受之淺也
其氣之舍深內薄於陰陽氣獨發陰邪內著陰與
陽爭不得出故間日作此受之深也邪與衛氣客
於六腑而有時相失不能相爭故休數日乃作此
受之最深也然瘧之狀不一足太陽瘧令人腰痛
頭重寒從背起先寒後熱熇熇然熱熱止汗出難

証類經

已足少陽瘧令人身體解休寒不甚熱不甚惡見
入見入則惕惕然熱多汗出甚足陽明瘧令人先
洒淅寒甚久乃熱熱去汗出喜見日月光火氣乃
快然足太陰瘧令人不樂好太息不嗜食多寒熱
汗出則善嘔嘔已乃衰足少陰瘧令人嘔吐甚多
寒熱欲閉戶牖而處其病難已足厥陰瘧令人腰
痛少腹滿小便不利如瘧非瘧也數便意恐懼氣
不足腹中悒悒此六經之瘧也肺瘧者令人心寒
寒甚熱熱間善驚如有所見心瘧者令人心煩甚

欲得清水反寒。按不甚熱。肝瘧者。令人色蒼蒼然。好太息。其狀若死。脾瘧者。令人寒。腹中痛。熱則腸中鳴。鳴已汗出。腎瘧者。令人洒洒然。腰脊痛。宛轉大便難。目眩眩然。此五臟之瘧也。東垣云。寒瘧屬太陰。熱瘧屬陽明。風瘧屬少陽。溫瘧屬厥陰。又云。作於子午卯酉日者。屬少陰。作於寅申巳亥日者。屬厥陰。作於辰戌丑未日者。屬太陰。蓋三日一作故耳。丹溪又有食痰風暑老瘧瘧母等名。蓋不越五臟六經之所主也。但所感不同者。然因其所挾

而立名也。今併及之。以備參考。善治者。審其受病之淺深。寒熱之多少。發作之蚤晏。時月之炎涼。元氣之虛實。淺者發於處暑前。謂之近。而暴者易治。發於霜降後。謂之遠。而瘕者難治。故瘕瘧不可截。截之轉虛。但養正氣。氣充自已。斟酌調之。謹按瘧之為狀。焮熱如爐。振寒如水。頭痛如破。咬牙嚼齒。有暴虐之勢。從病從虐。故名瘧。諸病惟瘧近乎邪。故魔法治之。亦偶中。然求其原。必內有瘧食。外感風寒。故凡初發時。便以消食化氣開痰。散

李玄無脈法

風等藥。大劑服之。後雖發亦輕。不過二發即止矣。
脈瘧脈多。弦。弦而數者多熱。宜汗之。弦而遲者多寒。
宜溫之。弦而緊實者宜下之。弦而虛細者宜補之。
弦而實大者宜吐之。弦短者多食。弦滑者多痰。瘧
脈遲緩者病自愈。久瘧不愈者脈必虛。宜養正去
邪。

外因

若避暑於風涼處。閉其汗孔。熱不泄。作風瘧。暑瘧。
皆當發汗。風瘧。小柴胡湯。加葛根。升麻。蒼朮。川芎。

白芷。青皮。草果之類。暑瘧無汗。小柴胡湯。加葛根。
香薷。渴加天花粉。暑瘧自汗煩渴。柴胡白虎湯。但
熱不寒者。柴葛解肌湯。熱多寒少。清脾飲。寒多熱
少。人參養胃湯。

小柴胡湯 治少陽經瘧。能和解表裏。

柴胡 黃芩 人參 甘草

半夏 生薑 如初瘧。去參甘。加青皮草果。

按右方治瘧發時。耳聾脇痛。寒熱往來。口苦善嘔。
脈弦者主之。蓋柴胡黃芩。能解少陽之邪。半夏生

薑爲嘔家聖藥。用人參甘草者。補其中虛。使邪無容地而出矣。

柴胡白虎湯

卽小柴胡加石膏知母

少陽陽明二經藥也

柴葛解肌湯

治三陽經瘧。頭額目痛。脈浮洪弦數。

乾葛

柴胡

羌活

黃芩

白芷

甘草

桔梗

芍藥

無汗去之汗多倍用

右水煎。加生薑三片。葱白搗汁三匙。熱服。

清脾飲

治瘧疾熱多寒少。脈弦數。口苦咽乾。溺赤。

柴胡

一錢二分

半夏

黃芩

白朮

腹脹滿者去之

陳皮

各一錢

茯苓

厚朴

各八分

青皮

七分

草果

六分

甘草

四分

生薑

三片

大棗

一枚

按右方曰。清脾者。非清涼之謂。乃攻去其邪。而脾部爲之一清也。故用青皮厚朴。消去脾部之痰。半夏生薑。燥去脾家之濕。柴芩清熱。朮甘補虛。而草果又能清膏粱之疾也。

●內因

惡飲食者。從飲食上得之。必胸滿噫氣。一陳湯。加山查。枳實。神麴。厚朴。柴胡。青皮。大抵無痰不成瘧。

此條內異於本書者多矣

此同。本云。有柴胡字

若內傷挾外邪同發。內必生痰。痰滯於中。寒熱不已。脈滑者。二陳加柴胡黃芩草果常山以吐之。吐中就有發散之意。但常山性暴悍。非痰盛氣實者。不可用也。

二陳湯

方見痰證

●虛癘

虛人患癘。飲食少進。四肢無力。汗多。怠惰嗜臥。六君子湯。人參養胃湯。汗多煩躁而渴。白虎湯。加人參。汗多不煩渴。柴胡桂枝湯。元氣漸虛。不思食而

多汗者。四獸飲截之。虛癘久不止。宜養正。不可截。多服補中益氣湯自止。

六君子湯

卽四君子加陳皮半夏

人參養胃湯

本方加香附砂仁。名香砂養胃湯。

卽平胃合二陳。加人參。藿香。草果。烏梅。生薑煎。

按人之饑飽。皆足以傷胃。胃傷則榮衛虛而穀氣乖。乖則爭。爭則邪正分。寒熱作而癘成矣。方中有參。茯苓。甘草之甘。可以補胃之不足。陳蒼厚朴之辛。可以平胃之有餘。半夏醒脾。藿香開胃。烏梅之酸。

可使收陰。草果之溫。可使消滯焉。

補中益氣湯 方見內傷

白虎湯 方見火證

四獸飲 治虛癯久不愈

六君子湯加草果烏梅生薑大棗等分煎服

實癯

寒熱往來。脉弦數。必熱多也。清脾飲。脉弦遲。必寒多。七寶飲。發五六次不止。不二飲。截之。無汗。要有汗。發散為主。小柴胡去人參。加葛根。蒼朮。青

△本草書少異

皮蘇葉。大便不通。大柴胡湯下之。

七寶飲 治一切癯疾。及山嵐瘴氣。寒熱如瘧。

常山 草果 檳榔 厚朴 薑炒

青皮 陳皮 甘草 各等分

每服五錢。水酒同煎。露一宿。稍溫。空心向東服。

不二飲 截陰癯老瘧神効

柴胡 黃芩 常山 檳榔

知母 芍藥 青皮 甘草

右用短水白酒二鍾。煎八分。發前五箇時服。忌熱

本草章瘡
瘡如為一條
此書分而為二
條詳畧各異

茶湯飯一日只可食温凉者。

按右二方惟脉來浮大弦滑者可用蓋浮為表大為陽弦為飲滑為實故也若脉來沉細澀微者與之則逆矣慎之慎之。

大柴胡湯 卽小柴胡去人參甘草加大黃枳實。

瘴瘧

瘴瘧者感山嵐瘴氣作瘧實者藿香正氣散虛者人參養胃湯。

藿香正氣散

方見霍亂

此條異本云

瘵瘵

瘵瘵者三日一發或連二日發間一日者或作於霜降後或下午陰分俱不可截柴胡養陰湯黃耆鼈甲湯補中益氣湯四獸飲皆可服之。

柴胡養陰湯 秘方 治陰分虛邪氣盛無汗而瘵者。

柴胡 四錢 當歸 二錢 陳皮 二錢 知母 一錢

黃耆鼈甲湯 秘方 治陰陽俱虛正不勝邪多汗而瘵者。

黃耆 二錢 陳皮 一錢 鼈甲 一錢 何首烏 三錢 熟忌鐵

瘵母

委以記上

痰癰久不止必生癰母在脇下大如杯令人面色
 痿黃寒熱不已用川芎芍藥柴胡各一錢人參五
 分水煎送下鼈甲丸二錢外以阿魏膏貼之神効
 鼈甲丸秘方治久癰不愈脇下有塊俗名癰母

鼈甲

酒炙

蓬朮

醋煮

青皮

醋煮

穿山甲

土炒

二兩

右為末用醋煮當歸為膏拌前藥丸如黍米大每
 服二錢煎藥送下

○痢疾三

歌濕蒸熱痰而成痢後重裏急由氣滯下迫窘痛火
 為殃未虛為藥併承氣下後雖寬痢不清香蓮化
 滯應須繼若還久病補兼升虛坐努責和血是表
 裏有熱內疎之小水不通可分利身寒嘔逆脉細
 微水液澄徹製溫劑豈汁魚腦半死生塵腐純血
 皆難治禁口多因胃木升若然不禁須兜住
 論痢者古名滯下以其積滯不行故也蓋人日受飲
 食之積留滯於內濕蒸熱痰伏而不作偶或調攝

不...
 天...
 訂...
 之...
 五...

月曆抄卷

卷四

三七

作...

裏急甚者下之。下後餘積未清。不可驟補。宜化滯
清熱蕩滌之。直候積盡。方可調補氣血。今人不問
新久。便兜澀爲患。匪輕善治者。審其冷熱虛實。氣
血之證。而行汗吐下清溫補兜澀之法。可也。○達
按痢之作也。非一朝一夕之故。其所由來者。漸矣。
蓋平素飲食不節。將息失宜。油膩生冷。恣供口腹。
醉之以酒。勞之以色。遊行冒暑。奔馳忍饑。塵事關
心。冗言生惱。七情六慾。日夜交攻。以致氣血俱傷。
飲食停積。濕熱薰蒸。化爲穢濁。是太陰脾經之病。

傳於手陽明大腸經。大腸為肺之腑。肺主清化。脾土受病。則不能生金。而肺失清化之令。臟不受病。而病其腑。故大腸受之。大腸於五行為金。於時令為秋。故痢多發於秋也。痢之初作時。須先服大劑消血化積之藥。浮動其根。次服下劑。蕩滌腸垢。旋為調補。以收全功。然又必分在氣在血。白者傷於氣。赤者傷於血。赤白混雜者。氣血俱傷。若無赤白。惟見黃色稠濁者。以食積治。後重者。以火治。雜下散血者。以傷治。凡初痢皆屬於熱。宜涼解。久痢不一愈。則變為寒。宜溫補。肛腸下者。宜補氣兼升經年累月。時愈時發者。名休息痢。宜調胃氣。服大補之劑。此治痢之大要也。凡痢身不熱者。輕。身熱者。重。能食者。輕。不能食者。重。絕不食者。死。發嘔者。死。直腸自下者。死。久痢忽大下。結糞者。死。小兒出痘後。即發痢者。死。婦人新產。即發痢者。死。

脈濇則無血。厥寒為甚。尺微無陰。下痢逆冷。又曰。無積不痢。脈宜滑大。浮弦急死。沉細無害。

●熱盛內實

下之脈法

初病後重裏急。下迫窘痛。芍藥湯。下後痢止。熱甚而渴。便赤者。黃芩湯。腹痛不通快。裏急。香連化滯湯。三黃丸。

芍藥湯 治痢初起。腹痛。裏急後重。數至圞。不能便。

芍藥

當歸

各錢五分

黃連

黃芩

各錢二分

肉桂

四分

檳榔

錢一分

木香

六分

甘草

四分

大黃

量人虛實臨時斟酌

加厚朴

錢一分

枳殼

錢一分

青皮

五分

右水煎溫服。○如後重小便澀。加炒滑石一錢五分○

本書無加減法

如腹痛甚。加砂仁錢一分。再加當歸木香各五分。○食積

加山查枳實各錢一分。○紅痢。加川芎桃仁泥各一錢。○

白痢。加茯苓陳皮砂仁各八分。○紅白相雜。加川芎

桃仁以理血。滑石陳皮蒼朮以理氣。○如嘔吐。食

不下。加軟石膏炒山梔各一錢。陳皮八分入薑汁緩緩

呷之。以瀉胃口之熱。○如色赤黑相雜。此濕勝也。

小便必赤澀短少。加木通澤瀉茯苓各一錢。炒山梔

仁五分以分利之。○如血痢。加川芎桃仁生地炒槐

花各一錢。去大黃檳榔肉桂。○有一樣寒痢。去大黃

此書此條畧
本書治法不
季

黃芩。加乾薑縮砂厚朴各五分以溫之。○孕婦不用

大黃。加山梔錢二倍加芩連枳殼。

黃芩湯 治協熱下利 一名黃芩芍藥湯

黃芩炒二錢芍藥炒一錢半甘草一錢水煎溫服

香連化滯湯 治積滯不行。裏急後重。頻上圜而去

即芍藥湯去大黃桂。加青皮枳實滑石陳皮。

● 挾風邪

外挾風邪。宜汗之。蒼朮防風湯。惡寒發熱。身首痛。

神朮湯。風邪乘虛入於腸胃。下清血。胃風湯。方見泄瀉

蒼朮防風湯

蒼朮三錢防風一錢五分加黃連 木香各五分

厚朴 陳皮 枳殼各一錢甘草四分

右生薑七片煎服。○如頭痛身疼發熱。加川芎羌

活柴胡黃芩各一錢腹痛。加當歸炒芍藥砂仁各一錢

裏急後重。加檳榔一錢

神朮散 治四時瘟疫。頭疼項強。發熱憎寒。身體疼

痛。傷寒鼻塞聲重。咳嗽頭昏。

藁本 羌活 甘草 白芷

此方無卷云

細辛 蒼朮 川芎
右薑葱煎服

秘方 治疫痢。一人有病。他人即傳染者是也。

用蒼朮一兩。水三鍾。煎至二鍾。去蒼朮。入防風。白朮芍藥羌活人中黃各一錢。煎至一鍾。溫服。

● 挾寒

挾寒者。所下清冷不渴。小便清白。手足冷。無熱證。

脈沉遲。理中湯。過食生冷。及服寒涼藥多。本方加

附子此方本方有病久所下若鼻涕凍膠。脈遲弱。形體虛怯。四

肢倦怠。除濕湯。

此書選方除濕湯也本云外陽除濕湯不同

理中湯 祛寒。止嘔逆泄利。定心腹冷痛。溫脾胃。

人參 甘草 白朮 乾薑
炮等分

右水薑煎。加附子。名附子理中湯。

除濕湯

厚朴 蒼朮 半夏 藿香葉
薑汁炒 米泔浸炒 各一錢 三分

陳皮 茯苓 白朮 薑棗水煎。溫服。

● 食積痢

耳草三分 此書無耳草疑傳字

下痢腹痛。飲食不化。脹滿。保和丸。原有食積腹脹。

△ 除濕湯
此方出千百選方在其外而與姜朮共十味也今脫落耳妙故丸味也今朱書補之之再采所出於本書除濕湯非此方也外陽除濕湯也

裏急香連化滯湯。急痛枳朮丸。加黃連木通神麴。麥芽芍藥木香檳榔。

保和丸 方見傷食

枳朮丸 方見脾胃

● 虛弱痢

久病氣血虛神不足。錢氏白朮散久病便清血。胃風湯倦怠食不進。衛生湯脾氣陷下。虛坐努責不出。補中益氣湯

錢氏白朮散 方見泄瀉

異攻散 卽四君子加陳皮

衛生湯 卽異攻散加山藥薏苡仁澤瀉黃連 等分

補中益氣湯 方見內傷

王節齋治久痢方 △此方無本書

紅痢久胃弱血虛。或下後未愈。用四物湯加阿膠。陳皮白朮芩連甘草。

白痢久胃弱氣虛。或下後未愈。用四君子湯加黃耆陳皮縮砂木香乾薑等分。芩連減半煎服。氣血俱虛而痢者。用四物湯加人參白朮陳皮黃

連黃芩阿膠以補之。而痢自止。氣下陷。加升麻。

●滑脫

久病滑瀉不禁。氣虛欲脫。訶子散。元氣脫弱。大孔如竹筒。直出無禁。真人養臟湯。或可十全一二也。

訶子散 治泄痢久不止

木香 五錢 甘草 炙 黃連 各三錢 訶子 一兩半 生半熟

末之煎芍藥白朮湯調服二錢。

真人養臟湯 治久痢不止。滑泄不禁。

人參 當歸 白芍 甘草 各四分

肉果 訶子 各三分 木香 七分 肉桂 三分

白朮 二分 粟殼 去蒂蓋蜜 炙一錢 臟寒加附子

●噤口痢

噤口痢者。大虛大熱。以人參薑炒黃連煎湯時時哈之。更以田螺搗盒臍中。或以石蓮子煎湯頻飲之。坐享享無事書此病得之熱毒氣侵胃口。猶有可治之理。至於胃弱氣陷。絕不思食者。則難治也。

治噤口痢秘方 以下四方無本去邵中速補之

一用香連丸。石連肉。二味等分。為末。米飲調下。

一用乾山藥一筋畧炒煮湯時以呷之

一用石蓮肉晒乾為末陳食米煎湯調下二錢便

覺思食仍以日照東壁土炒真橘皮為末薑棗

煎服

一用木鼈子為末和麩作餅貼臍中

○泄瀉四

歌濡瀉如傾濕所侵分消利水便安寧完穀不化名

殮泄內挾風邪發散平腸垢稠粘為協熱寒如鴨

糞水澄清熱當代火黃芩治寒用溫中香桂行不

禁直須訶子散脾虛久瀉尤參苓

論夫人之泄瀉乃水濕所為也由脾土受濕則不能

滲泄致傷關門元氣不能分別水穀併入大腸而

成瀉故小使澁而大便反快腸鳴腹痛之候王叔

和所謂濕多成五泄腸走若雷是也古云治濕

△濕本去作溫
本去傳異誤

不利小便非其治也故世俗治瀉多用淡滲之劑利其小便利而不已則以燥劑兜澀之此一偏之治也殊不知瀉雖生於濕亦有協風寒熱虛實之不同如飧泄者濕兼於風也故完穀不化腸鳴脉弦之候腸垢者濕兼於火所下稠粘垢穢小便赤澀脉數之候鴨溏者濕兼於寒故所下澄澈清冷如鴨鷺糞小便清白脉遲之候濡瀉者濕自甚也故所下多水小便不利腸鳴漉漉有聲脉沉緩之候脾腎瀉虛也故朝瀉暮已久而神瘁肉削滑

△類弦肺向
本去作類弦
腸向可從之

泄者濕勝氣脫所下不禁大孔如竹筒之候又有積濕成痰而瀉者東垣云一人久病泄而神瘁小便少而赤脉滑而類弦肺悶食減因悟此久積成痰流於肺中宜大腸之不固也以茱萸等湯溫服一碗許探喉中痰出吐半升而利減半次朝復飲一碗又吐痰半升而泄止病有若此之不同豈可執一而治乎謹按泄者大便溏清瀉者大便直下略有輕重總是脾虛若小便短少當利小便分其水若小便

月醫指掌

卷四

二四

自利不必再別。惟實脾而已。若渴求飲，須滋津液，不可純用燥脾之藥。亦不可純用利小便之劑也。若糞中有積，如稠膿，須消化為工糞，深黃穢臭者，以熱治。青白者，以寒治。完穀不化者，以火治。夫火能消穀，今反以不化為火者，何也？蓋脾火和緩，自能化穀。今脾已虛，真火不熾，而邪火得以客之。火性急速，不及傳化而自出矣。然亦有寒而不化者，何以別之？視小便之赤與不赤耳。纔進飲食，少頃即瀉出者，為氣虛不能收攝，名曰直腸，患者多。

死瀉一，陣泄一，陣泄復，澀滯者，火也。痛一，陣泄一，陣泄後覺通快者，食也。腹中絞痛，下無時者，氣食交併也。腹中覺冷，隱隱微痛，下如稠飲者，痰也。

脈瀉脈，自沉沉，遲寒侵，沉數火熱，沉虛滑脫，暑濕緩弱，多在夏月。

濡瀉

濡瀉者，腸鳴多水，胃苓湯主之。腹痛加芍藥，縮砂水泄渴而小便赤澀熱也。益元散水調服。

胃苓湯 治脾胃不和，腹痛泄瀉，穀不化，陰陽不

明醫指掌 卷四 三十一

本去脈注 無

胃苓本去 不委

分者主之。

即五苓合平胃也。○小水赤澀加滑石。○腹痛後重去桂加木香黃連檳榔。○久泄加升麻。○濕勝加防風。○食積加麴蘖山查。○氣虛加參朮。益元散。

滑石 六兩 甘草 一兩 末之。每服二錢。水調服。

● 殮泄

殮泄者。所下完穀不化。濕兼風也。升陽除濕湯。外傷於風。有表證者。加發表藥。元氣不足。風入腸胃。

△ 羅本去不詳

泄利清血。加減胃風湯。

升陽除濕湯

升麻 柴胡 防風 神麴 炒

澤瀉 猪苓 各半兩 蒼朮 一兩 陳皮

甘草 炙 麥芽 炒三錢 每服一兩。飯後熱服。

加減胃風湯 治風冷乘虛。客于腸胃。水穀不化。泄瀉。注下。腹脇虛滿。腸鳴疼痛。及腸胃濕毒。下如豆汁。或下瘀血。竝効。

人參 白朮 茯苓 當歸

川芎

白芍

等分

去肉桂加升麻秦艽

右剉入粟米一撮同煎温服

●腸垢泄

腸垢熱泄也。所下粘垢。小便赤澀。脉數煩渴。黃芩芍藥湯。痛一陣瀉一陣。下迫窘痛。口渴。火也。宜伐

火。四苓散加黃芩木通。協熱自利。身熱脉數。白頭

翁湯

四苓散 卽五苓散去桂

白頭翁湯 治協熱自利。小便赤澀。

△白頭翁湯

金匱方也。原方有黃芩芍藥木通也。此書脫黃芩三味也。今朱書補定者。示之於原方也。而黃芩滑利劑也。故除之。亦深。此方不附料量及服法則。如在脫根者。本書亦三味也。上方後曰。又。亦深。此方不附料量及服法則。如在脫根者。本書亦三味也。

白頭翁

二兩

秦皮

黃連

黃芩

各三兩

●鷺泄

鷺泄卽鴨溏。所下澄澈清冷。小便清白。寒也。胃苓

湯加木香砂仁。瀉利腹痛。不渴。厥逆脉沉遲。理中

湯。方見中寒肢節寒甚。泄不止。脉沉遲者。朮附湯。

朮附湯

白朮

甘草

炙

熟附子

等分

薑棗煎服

●虚泄

脾虚氣弱。闌門元氣不足。不能分別水穀。衛生湯。

△此條委於本

自汗沉困。脉遲久瀉。黃耆建中湯

方見惡寒

脾腎不足

久瀉不止。形瘦。腎氣丸。四神丸兼服之。

衛生湯

方見痢疾

腎氣丸

方見虛損

一名六味地黃丸

四神丸

治脾胃虛弱。小便不實。飲食不思。或泄利

腹痛等證。兼治腎泄。清晨溏泄。一二次。經年不止

破故布

四兩酒浸一宿炒

肉豆蔻

二兩麩裹煨

五味子

二兩去梗

吳茱萸

一兩泡過炒

右為末。用生薑八兩切片。同大棗百枚。煮爛去薑。

取棗肉九如梧子大。每服一錢半。淡薑湯送下。

●滑泄

瀉久不止。大孔如竹筒。直出無禁者。氣將脫也。訶

子散

方見痢疾

老人元氣衰。滑泄無禁。四君子湯加肉

蔻訶子。若元氣下陷。加升麻。

四君子湯

方見脾胃

錢氏白朮散

治氣血俱虛。或瀉或痢。或吐或渴。

人參

白朮

白茯苓

甘草

木香

藿香

乾葛

右水煎服

王節齋治泄主方

此方無本云

白朮

茯苓

陳皮

甘草

澤瀉

砂仁

神麴

麥芽

寒瀉加木香煨薑。○熱瀉加苓連白芍。○夏月暑瀉加香薷匾豆。○濕瀉加蒼朮半夏豬苓滑石。○食瀉加山查枳實。○久瀉不愈加人參黃耆升麻。○滑瀉不禁加肉蔻訶子。

○黃疸五

歌五疸多因濕熱生分消利水用茵陳若因食積併瘀血陰證虛黃另有形。

論夫五疸皆由濕熱而成黃疸通身面目悉黃也穀疸者食已頭眩心中怫鬱不安饑飽所致胃氣蒸冲而黃也酒疸者身目俱黃心中懊懣足脛滿尿赤面黃赤斑因酒後胃熱醉卧當風水濕得之也女勞疸者額黑身黃少腹滿急小便不利因房事後為水濕所搏而得之也黃汗者汗如梔子水染

衣黃不渴。因脾熱汗出。入水澡浴。所致。丹溪云。疸病不須分五種。同是濕熱。如蠶麴相似。宜利水為先解毒。次之。亦有瘀血食積。皆令發黃。又有陰黃。虛黃之證。各各不同。瘀血發黃。則發熱。小便自利。大便反黑。脉花濇。是也。飲食之積。留滯於胃。不得傳化。薰蒸胃中。濕氣故也。必胸脇滿悶。脉大是也。陰黃者。四肢冷。自汗泄利。小便清白。脉沉遲。是也。虛黃者。口淡怔忡。耳鳴脚軟。怠惰無力。寒熱溲白。是也。學者遇此。必審其因而療之。勿忽略以誤人。

也。

謹按黃疸之病。多起於飲食勞倦。致傷脾土。脾土不能運化。濕熱內鬱。無由發泄。流於皮肉。遍於四肢。黃色如染。淡黃易愈。深黃者難愈。焦黃者不治。凡鬱鬱不得志之人。多生此病。雖云濕熱。不可純用寒涼。必佐之以甘溫。君之以參泄。則濕易除。熱易解。其病自愈。若純用涼藥。重傷脾土。濕未必除。熱未必去。反變為腹脹者矣。

脉五疸實熱。脉必洪數。其或微濇。證屬虛弱。

月醫指掌

卷四

三

本之無脈法

●濕熱黃

濕熱發黃者。小便不利。大便反泄者。五苓散。方見濕證

虛者。三因白朮湯。實者。大便不通。內熱。茵陳湯。

三因白朮湯

桂心 白朮各一兩 豆豉 杏仁

甘草 乾葛各五錢 枳實炒三錢

右剉。每服四錢。水煎。

茵陳湯 治濕熱發黃。身熱鼻乾。汗出。小便不利。

茵陳六兩 梔子十四箇 大黃二兩

每服一兩五錢。水煎。

●陰黃

陰黃。脉沉遲。四肢冷。自汗泄利。小便清白。茵陳四

逆湯。即四逆湯加茵陳也。

●虛黃

虛黃。耳鳴口淡。怔忡微熱。四肢無力。怠惰嗜臥。脚

軟。脉沉細。四君子湯。方見脾胃 若兼食積發黃者。小温

中丸。大温中丸。或用六君子湯。加茵陳。蒼朮。山藥。

小温中丸 治黃疸與食積。又可制肝燥。脾脾虛者。

以白朮作湯作使

針砂

十兩炒紅醋淬
七次再炒另研

苦參

夏加
冬減

山查

各二
兩

白朮

五兩

蒼朮

川芎

夏減

神麴

各半
兩

香附

一觔童
便浸透

吳茱萸

一兩冬
加夏減

右爲末。醋糊丸。梧子大。食前鹽湯送下。

大溫中丸

製同前方

針砂

十兩
製

陳皮

蒼朮

青皮

一厚朴

三稜

蓬朮

黃連

苦參

白朮

各五
兩

甘草

二兩
生

香附

一
觔

六君子湯

卽四君子加陳皮半夏

瘀血黃

瘀血黃者。大便黑。小便利。抵當湯。桃仁承氣湯。量

人虛實。下盡黑物則愈。

下六字無也

抵當湯

水蛭

七箇

蠱蟲

八箇

桃仁

七箇

大黃

一兩

末之。分作四丸。水一鍾。煎一九。取七分溫服。

桃仁承氣湯

卽小承氣加桃仁

一錢
五分

硝

六分

五疸

穀疸食已頭眩心中怫鬱不安濟生穀疸丸或小柴胡湯加穀芽枳實厚朴山梔大黃

酒疸身目俱黃脛滿懊懣尿黃面黃赤斑梔子大黃湯茯苓滲溼湯本云有三因白本為無茯苓滲濕湯

女勞疸者額黑身黃少腹滿急小便不利硝石礬石散本云無名方云方以此書之

黃汗者汗出如梔子水濟生黃耆散

黃疸者身目悉黃如金茵陳五苓散實者茵陳湯
榴鼻法

濟生穀疸丸

苦參 二兩 牛膽 一兩 龍膽草 一兩

右為末用牛膽汁入煉蜜丸如梧桐子大每服五十丸空心熟水或生薑甘草湯下

小柴胡湯 方見瘧疾

梔子大黃湯 治酒疸

梔子 十五箇 大黃 一兩 枳實 五箇 豉 一升

水煎服 去大黃加葛根各葛根湯

茯苓滲濕湯 治黃疸寒熱嘔吐而渴欲飲冷身體

明目醫方卷四
面目俱黃。小便不利。不得安臥。不思食。

白茯苓 五分 澤瀉 三分 茵陳 六分 猪苓 二錢

黃芩 黃連 梔子 防己

白朮 蒼朮 陳皮 青皮

枳實 各二分 右剉水煎服

硝石礬石散 治女勞疸身黃額黑。日進三服取汗。

硝石 礬石 各燒過等分

右為末。大麥粥汁調服二錢。

濟生黃耆散 治黃汗

黃耆 赤芍 茵陳 各二兩 石膏 四兩

麥冬 去心 豆豉 各一兩 甘草 炙半兩

每服五錢。生薑三片。水煎。食遠服。

茵陳五苓散 卽五苓散加茵陳是也 方見二卷濕症條下

搐鼻法 治黃疸遍身如金色。

瓜蒂 二錢 母丁香 二錢 大黃 一兩醋炒 黍米 半錢

赤小豆 五分

右為末。每夜兩鼻搐藥便睡。次日取下小便卽愈。

○水腫六

歌水濕由來脾土虛不能行水漬於膚須知陽水并陰水氣血風形各有途利水不須行峻利脾能健運自寬舒但將參朮常為主加減當看所挾施

論人藉水穀以生穀賴脾土以化若脾土虛則不能制水故傳化失常腎水泛溢反得以漬脾土於是三焦停滯經絡壅塞滲于皮膚注于肌肉而發浮腫其狀目胞上下微起肢體重著咳嗽怔忡股間清冷小便黃澀皮膚光腫本書作而光手按成窟舉手即滿是

人重

明醫指掌

卷四

三

也。然有五腫十水名狀不一。而致病之由。不過如此。丹溪云。水病以健脾爲主。使脾氣得實而氣運則水自行。非五苓神祐禹功之行水也。而宜以參朮爲君。視其所挾之證。而增減無不効。若苟徒快利行水。多致不救也。悲夫。如風腫者。皮粗麻木不仁。走注疼痛。氣腫者。皮厚。四肢瘦削。腹脇脹滿。血腫者。皮膚間紅縷赤痕。陽水腫者。身腫消渴。漫赤煩躁。便秘。脉數。陰水腫者。身冷不渴。便清。脉遲。風水者。中有水氣。面目腫大。有熱。身體反重而酸。或

惡風自汗。外證骨節疼痛。脉浮不渴。皮水者。外證肘腫。按之成窟。不惡風。其腹如鼓。發汗之證。裏水者。脉遲。外證自喘。石水者。脉沉。外證腹滿不喘。黃汗。風水者。脉浮。外證骨節痛。惡風。大抵腰以上腫者。當發汗。是開鬼門也。腰以下腫者。當利小便。是潔淨府也。此上下分消其濕。治水之良法也。
印達業
謹按水腫之病。多起於外觸怒氣。內傷飲食所致。蓋肝常有餘。觸怒則益脹。而干於脾。脾常不足。傷食。則不運而生濕。濕鬱盛則化爲水。上達於頭。下

明醫指掌 卷四 三十一
流於足。中滿於身之前後。浮腫如匏。堅實如石。寒冷如冰。行坐又難。眠臥不得。病而至此。蓋亦危矣。論治法。本當專利小水。以寬其脹。但腫勢太盛。內而膀胱。外而陰囊。相連緊急。阻塞道路。雖加利水之劑。苦無一線之通。病何由去。必開其大便。以逐其水。隨下而隨補。則病已去而脾無恙。漸為調理。庶可得生。苟病勢已極。而猶守舊規。吾恐閉城門。而欲其盜之出也。難矣。如腫勢未盛。還是利水為上。男子之腫。從上而下者為順。從下而上者為逆。

男子先陽而後陰故也。女子之腫。從下而上者為順。從上而下者為逆。女子先陰而後陽故也。水氣面黑者不治。為陰勝陽也。不進飲食者死。為無胃氣也。脛股間黃水出者死。脰破脾絕故也。氣喘不定。缺盆平者死。肺氣絕故也。

脉水腫之證。有陰有陽。察脉觀色。問證須詳。陰脉沉遲。其色青白。不渴而瀉。小便清澀。脉或沉數。色赤而黃。燥糞赤溺。兼渴為陽。沉細必死。浮大無妨。

● 攻補兼施

本云無脉

此方減本
之無
法日水腫治
大田考之

加減胃苓湯 健脾除濕寬中利小便。

蒼朮 一錢 陳皮 一錢 厚朴 八分 赤茯苓 去皮

猪苓 澤瀉 白朮 各一錢 大腹皮 六分洗淨薑製

神麴 炒八分 甘草 炙二分 山查 去核七分 香附子 六分薑汁拌炒

木瓜 一錢 檳榔 八分 砂仁 炒研七分

右剉生薑三片燈心一團煎服。○氣急加蘇子葶

藎桑皮去白朮。○發熱去香附加炒山梔黃連。○

瀉加炒芍藥去檳榔。○惡寒厥冷脉沉細去檳榔。

加木香五分官桂少許。○腹脹去白朮甘草。加蘿蔔子

先攻後補

四將軍湯 通便逐水

甘遂 大戟 苦葶藶 大黃 各一錢

右水煎服之待大便行後隨服補藥。

實脾調氣丸

白朮 二兩 人參 一兩 廣陳皮 五錢 神麴 一兩

共為細末水丸米飲送下二錢空心服。

純于溫補

按薛立齋曰前證若肚腹痞滿肢體腫脹手足竝

已下水腫治
法異於本
書大抵經
アリ多考之
ベシ

冷。飲食難化。或大便泄瀉。呼吸氣冷者。此真陽衰敗。脾肺腎虛寒。不能司攝而水泛行也。急用加減腎氣丸。否則不治。惟調補脾土。亦有生者。
金匱加減腎氣丸

熟地 八兩

山藥

山茱萸

各四兩

白茯苓

澤瀉

丹皮

各三兩

川牛膝

酒洗 微炒

車前子

肉桂

附子

炮各一兩

右爲末。米糊丸。菉豆大。每服百丸。空心白湯送下。

○鼓脹七

歌 鼓脹又名單腹脹。外雖堅急。內空虛。實人攻下。隨宜補。虛者調中。更益脾。瘀血可行。休有慢食。當消導。再無疑。瘦人病此。多因火。勿得輕將。快利施。

論 丹溪云。鼓脹由七情內傷。六淫外侵。飲食不節。房勞致虛。脾土之陰受傷。轉運之官失職。胃雖受穀。不能運化。故陽自升。陰自降。而成天地不交之否。清濁相混。隧道壅塞。鬱而爲熱。熱留爲濕。濕熱相生。遂成脹滿。外雖堅急。中空無物。有似乎鼓。故名。

日鼓其病膠固難治。有若蟲侵蝕之義。亦名曰蠱。
二義俱通。理宜補脾。次養肺金以制肝木。使脾無
賊邪之患。滋腎水以治火。使肺得清化。却厚味。遠
音樂。無有不安。更審其虛實。辨其所因。調之補之。
清之利之。權輕重而療之。自愈矣。若喜行快利。不
審元氣。而用峻劑攻之。殊不知寬得一日半日。其
脹轉甚。病邪轉深。真氣愈傷。再不可救。哀哉。惟宜
王道藥治之。可不慎歟。
邵氏謹按前證。多因過傷飲食。勞力怒氣所致。過食則

傷脾。勞力則傷血。怒氣則傷肝。三者俱傷。其病必
重。藥亦難効。若因久瀉而成者。專以脾虛治一臟
受病。猶可施手。扶其脾。利其水。則脹自消矣。此病
若眼下如臥蠶者。必發水腫。能食者輕。不能食者
重。絕不食者死。脉浮大者生。沉細者不治。胸堂脹
滿。臍突出者死。

脉脹滿。脉弦。脾制於肝。洪數陽熱。遲弱陰寒。浮爲虛
脹。緊則中實。浮大者生。虛小危急。

●實

△此條与本云
異也可考

△本云脉浮

本書有禹切
散方此書無

明醫指掌

卷四

四

實者按之堅痛。量人元氣下之泄之。此同本書有禹切散三通利後便收。

拾用參朮補養脾胃。若內有積塊堅痞。保安丸。廣

茂潰堅湯。有因蓄血腹脹。脉澹而芤。大便黑。桃

仁承氣湯。下盡黑物。方見血證有因食積腹脹。內有

熟者。木香檳榔丸。方見傷食內有寒者。木香厚朴丁香

砂仁神麴香附。有因大怒腹脹者。青皮陳皮香

附木香梔子仁。外寒鬱內腹脹者。升麻乾葛蒼

朮防風以解表寒。瘦人腹脹是火。黃連厚朴香

附芍藥。肥人腹脹是濕。平胃散。方見濕證

保安丸 治癥積心腹內結如拳。上捨心痛。臍腹痛。

大黃 三兩 酒蒸 附子 五錢 去皮臍炮 乾薑 一兩 炮 鼈甲 兩半 醋炙黃

右為末。先將醋一升。煮至四五合後。和藥末丸如

梧子大。空心白湯下二十九。取積下為度。

廣茂潰堅湯 治中滿腹脹有積聚。

厚朴 薑汁炒 黃芩 益智仁 炒 草豆蔻 炒

當歸 各五錢 黃連 六錢 製半夏 七錢 廣茂 炒

升麻 紅花 酒浸 吳茱萸 各二錢 甘草 生

柴胡 澤瀉 廣陳皮 神麴 炒

月醫指掌

卷四

三

此條異於本
書

青皮各三錢 渴者加葛根四錢
每服七錢。生薑三片。煎服。不拘時。

●虛

腹脹若朝寬暮急者。屬血虛。四物湯

方見血證

加厚朴

柴胡山梔丹皮。

暮寬朝急者。屬氣虛。四君子去

甘草加陳皮厚朴半夏腹皮。

朝暮俱急者。氣血

兩虛也。四君子湯

方見氣虛

加芩歸白芍陳皮厚朴。

○積聚癥瘕八

歌五積須知積有年。有形有質有根源。其如六聚無常處。聚散無時故易痊。假物而成名曰瘕。積瘕成塊不移遷。

論夫五積者。五臟之積也。肝曰肥氣。在左脇下如覆

杯。有頭足。如龜鼈狀。久不愈。發咳逆嘔。其脉弦而

細。心曰伏梁。起於臍。上至心。大如臂。久不已。病煩

心。身體脛股皆腫。環臍而痛。其脉沉而芤。脾曰痞

氣。在胃脘。覆大如盤。久不愈。病四肢不收。黃疸。飲

此論與本云
大異也
本有有虛
實。總治三條
此有。有虛實
二條。無總治
條。考本書

食不爲肌膚。心痛徹背。背痛徹心。其脉浮大而長。肺曰息賁。在右脇下。大如覆杯。久不愈。病洒洒寒熱。嘔逆咳喘。發肺癰。其脉浮而毛。腎曰奔豚。發於小腹。上至心。如豚奔走之狀。上下無時。久不愈。病喘逆骨痠。少氣。其脉沉而滑。六聚者。六腑之所成也。蓋聚無常形。聚散不時。非若積之有定處也。癥者。徵也。因物而成質。有塊可徵。不能移易也。瘕者。假也。假物而成形。推移能動也。古方治積聚癥瘕。多用耗氣峻削之劑。又佐以辛香熱藥。若輕淺者。

因以消化。根深蒂固。日久氣虛者。寧不損正氣者乎。正氣既傷。其積轉甚。故潔古有養正積自除之說。譬如滿座皆君子。其中有小人。自不容而出。斯言信矣。然當審其淺深輕重之機。久近虛實之勢。可消可補。必量其人之虛弱強盛而施之可也。

△本書脉法無
脉五積屬陰。沉伏附骨。肝弦心芤。腎沉急滑。脾實且長。肺浮喘卒。六聚脉沉。痼則浮結。又有癥瘕。其脉多弦。弦急瘕疾。弦細瘕堅。沉重中散。食成癖。積聚癥瘕。緊則痛纏。虛弱者死。實強可痊。

此積聚治方
異於本書

●積聚

香積丸 治五積六聚氣塊

三稜 六兩 醋炒 蓬朮 炮或醋炒 青皮 炒 陳皮 炒

枳殼 炒 枳實 炒 蘿蔔子 炒 香附 醋炒各二兩

黃連 薑炒 神麴 炒 麥蘖 炒 鼈甲 醋炙

乾漆 炒令烟盡 桃仁 去皮尖 砂仁 炒 礶砂

甘草 炙 木香 歸尾 各一兩 檳榔 六兩

山查 四兩 一方去枳實陳皮蘿蔔子加益智紅

花柴胡白朮茯苓

右為丸醋糊丸每服三五十九空心陳米湯送下

大阿魏丸 去諸積聚痰癖

山查 麥芽 神麴 炒 南星

半夏 黃連 各一兩 連翹 阿魏 醋炒入藥

瓜蒌仁 貝母 各半兩 風化硝 石礬

蘿蔔子 蒸 胡黃連 各一錢半

右為末薑汁浸蒸餅為丸空心白湯送下二錢

大七氣湯 散聚氣

青皮 陳皮 三稜 煨 蓬朮 煨各一錢

桔梗

甘草

藿香各八分

香附錢一

益智

官桂

各六分

●癥瘕

保和丸

治食癥

方見傷食

阿魏丸

治肉癥

阿魏

兩一

山查

兩一

黃芩

錢六

連翹

錢五

右為末。用阿魏醋煮作糊丸。如梧子大。每服三三十九丸。白湯下。

熨癥法

用吳茱萸三觔。槌碎。以酒炒熟。包于絹帛

中。乘熱熨患處。冷則易熱者再熨。若癥積移走。逐熨之。候癥消乃止。

見睨丸

治婦人石癥。生於胞中。寒客子門。子門閉

塞。氣不宣行。惡血當瀉。不瀉。日以留止。衄以時下。狀如懷子。月事不以時下。以此丸導之。

附子

四錢炮

鬼箭羽

紫石英

各三錢

澤瀉

錢二

血竭

二錢半

肉桂

玄胡索

木香

各二錢

檳榔

二錢半

桃仁

七錢炒

三稜

錢五

水蛭

一錢炒

大黃

二錢酒浸

同三稜

一夕焙

右為末。酒糊丸。如梧子大。每服三十九。鹽湯送下。石礮丸。治血癥。血癥者。血不流而寒薄。則血內凝。而為癥也。比之石癥為輕。用以消之。

海粉

三稜

蓬朮

醋炙

五靈脂

紅花

香附

石礮

瓦龍子

火淬

右為末。醋糊丸。如梧子大。白朮湯下。

痞塊

新增

此條邵達新增

謹按痞塊多在皮裏膜外。並不係於腸胃間。而醫者往往以峻劑下之。安能使此塊入腸胃。從大便

而出哉。吾見病未必去。而元氣已耗。經年累日。遂至不治者多矣。歷代醫家。皆曰在左為死血。在右為食積。在中為痰飲。蓋以左屬肝。肝藏血。右屬脾。脾化穀。而痰飲則結聚於中焦也。殊不知肝脾雖左右之分。而實無界限之隔。非謂肝偏於左。而無與於右。脾偏右。而無與於左。在左為死血。而在右獨無死血乎。在中為痰飲。而左右獨無痰飲乎。但在左在右在中。皆因虛之所在而入之耳。不可以死血痰飲食積分之也。或先有死血。繼以食積痰

飲或先有食積。繼以死血痰飲相裹而成者。或單是痰飲。單是食積。單是死血。久不愈。遂爲堅塊。治之惟削堅破結爲主。然當診之以察其病。弦滑爲痰。芤濇爲血。沉實爲食。三脉並見。則當兼治。若夫女人積塊。多是血結。治女病者。以調血爲主。蓋月事正臨。適感寒氣。寒客子門。血凝不行。日積月累。而成塊。多在少腹間。發則上攻痛楚萬倍。面色不澤。是不在皮裏膜外矣。小則下之。大則消之。至於食積。乃是胃家所受。亦豈在皮裏膜外耶。審其病

的是食積。或下或消。隨其所用而不可泥也。又有停飲者。按之若有形。與積塊相似。但不堅實耳。然求其因。悉是平日喜飲茶水。或恣食生冷。所致脾家受寒。不能運化。又爲火鬱。化爲清痰。停積日久。隱隱作痛。停於上焦。則吞酸飽悶。停於中焦。則中脘膨脹。停於下焦。則少腹滿急。停於兩脇空隙處。則漉漉有聲。時升時降。或湧之。或下之。隨其所在而施之可也。

僊傳化痞丸

鵝鵝一隻用白水煮爛加酒半斤阿魏五錢再

煮一滾撈起絲肉炙乾骨頭打碎炒脆搗

為末五色糖阿魏二兩二錢水紅花子十兩

神麴一兩白朮六錢當歸二錢陳皮各一兩

急性子六錢蘆薈各七錢蓬朮六錢青皮五錢

甘草四錢枳殼各五錢雄黃各五錢

右為末將鵝鵝汁為丸如梧子大每服二錢五分服藥後病在左睡朝左病在右睡朝右

薛氏阿魏膏

羌活 獨活 赤芍 穿山甲

玄參 官桂 生地 兩頭尖

大黃 白芷 天麻各五錢木鼈子十枚

紅花四錢亂髮一團槐柳桃枝各三錢

右用香油二觔四兩煎黑去相入髮煎化仍去查

徐下黃丹十兩煎軟硬得中入芒硝阿魏蘇合香

油乳香沒藥各五錢麝香三錢調勻即成膏矣將

帛絹攤貼患處內服丸藥黃丹須用山東者効凡

貼膏藥先用朴硝隨患處鋪半指厚以紙覆上用


熱熨斗熨良久如硝耗再加熨之二時許方貼膏

藥。

辛未孟冬望後一日讀完

柳片書

訂補明醫指掌卷之四 終



内閣文庫		
番號	漢	12633
冊數	4 (2)	
函號	301	68